


Nermina Zaimović-Uzunović
Asim Sarajlić
poslanici u Predstavničkom domu
Parlamentarne skupštine
Bosne i Hercegovine



Broj:
Sarajevo, _ .4.2014.

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r g. Miloradu Živkoviću, predsjedavajućem

Predmet: Prijedlog zakona o izmjenama i dopunama
Izbornog zakona Bosne i Hercegovine

Na osnovu člana 99. i 100. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 33/06, 41/06, 81/06, 91/06, 91/07, 87/09 i 28/12) kao ovlašteni predlagači, dostavljamo Vam Prijedlog zakona o izmjenama i dopunama Izbornog zakona Bosne i Hercegovine.

Predlažemo da se procedura razmatranja Prijedloga zakona o izmjenama i dopunama Izbornog zakona Bosne i Hercegovine provede u skladu sa članom 127. Poslovnika Predstavničkog doma Parlamentarne skupštine BiH, odnosno odredbama koje reguliraju hitni zakonodavni postupak.

U prilogu, dostavljamo Vam tekst Prijedloga zakona o izmjenama i dopunama Izbornog zakona Bosne i Hercegovine s obrazloženjem na bosanskom jeziku, odredbe Zakona koje se mijenjaju/dopunjavaju, te elektronsku verziju Prijedloga zakona o izmjenama i dopunama Izbornog zakona Bosne i Hercegovine.

Prilog: kao u tekstu

S poštovanjem,

Nermina Zaimović-Uzunović

Asim Sarajlić

Nermina Zaimović-Uzunović
Asim Sarajlić

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine, na __. sjednici Predstavničkog doma, održanoj __. __.2014. i na __. sjednici Doma naroda, održanoj __. __.2014., usvojila je

ZAKON
O IZMJENAMA I DOPUNAMA IZBORNOG ZAKONA
BOSNE I HERCEGOVINE

Član 1.

U Izbornom zakonu Bosne i Hercegovine ("Službeni glasnik BiH", br. 23/01, 07/2, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14) u članu 1.2 u stavu (3) riječi: "stav (11) i (12)", zamjenjuju se riječima: "stav (16) i (17)".

Član 2.

U članu 1.2a u stavu (1) riječi: "stav (12)" zamjenjuju se riječima: "stav (17)". Na kraju teksta dodaje se nova rečenica koja glasi: "Centralna izborna komisija BiH priprema nacrt svog budžeta i dostavlja ga nadležnim parlamentarnim komisijama na usvajanje".

U istom članu u stavu (3) riječi: "stav (11)" zamjenjuju se riječima: "stav (16)".

Član 3.

U članu 1.3a u stavu (1) iza riječi: "opozvati" briše se zarez i stavlja tačka, a riječi: "a prava i dužnosti počinju im danom konstituiranja predstavničkih organa", brišu se.

U stavu (3) iza riječi: "Centralna izborna komisija BiH" briše se tačka i dodaju se riječi: "u roku od sedam dana od prijema izjave".

Član 4.

U članu 1.5 iza stava (5) dodaje se novi stav (6) koji glasi: "(6) Diplomatsko-konzularna predstavništva BiH dužna su u realizaciji izbornog procesa postupati u skladu sa uputama Centralne izborne komisije BiH".

Član 5.

U članu 1.8 u stavu (1) iza riječi: "državni službenici", dodaju se riječi: "glavni revizor i zamjenici glavnog revizora u Uredu za reviziju finansijskog poslovanja institucija BiH i guverner i viceguverner Centralne banke BiH". Na kraju stava, dodaje se nova rečenica koja glasi:

"Ako Centralna izborna komisija BiH utvrdi da lice iz ovog stava nije podnijelo ostavku na položaj ili nije postupilo u skladu sa zakonom koji reguliše njegov status u periodu od ovjere kandidature do štampanja glasačkih listića, ime i prezime tog lica bit će izbrisano s ovjerenih kandidatskih listi, a ukoliko se isto utvrdi nakon štampanja glasačkih listića takvom licu neće biti dodijeljen mandat ako ga osvoji".

U stavu (4) iza riječi: “vršenjem funkcija u izvršnim organima vlasti” briše se tačka i dodaju se riječi: “osim u periodu dok se ne konstituiraju izvršni organi vlasti izabrani na redovnim izborima u istom izbornom ciklusu”.

Član 6.

U članu 1.14 u stavu (1) iza riječi: “datum”, riječ: “ne” briše se.

U istom članu i stavu u drugoj rečenici, iza riječi: “nedjelju” i riječi: “oktobru” stavlja se zarez, a riječ: “ne” briše se.

Član 7.

U članu 2.1 u stavu (2) riječi : “15.7 stav (2)”, zamjenjuju se riječima: “15.6 stav (2)”.

Član 8.

U članu 2.2 stav (2) mijenja se i glasi: “(2) Član izborne komisije je lice sa odgovarajućom stručnošću i iskustvom u provedbi izbora, a član biračkog odbora je lice sa odgovarajućom stručnošću”.

U istom članu u stavu (4), na kraju teksta, dodaje se nova rečenica, koja glasi: „Ukoliko se prilikom primjene ove odredbe i izračunavanja postotka dobije broj sa decimalnim završetkom do 0,5, isti se zaokružuje na najbliži sljedeći manji cijeli broj, a ukoliko se prilikom izračunavanja postotka dobije broj sa decimalnim završetkom 0,5 i više, isti će se zaokružiti na najbliži sljedeći veći cijeli broj.“.

Član 9.

U članu 2.9 u tački 3. iza riječi: “za Centralnu izbornu komisiju BiH” briše se zarez i dodaju riječi: “nadležnim parlamentarnim komisijama na usvajanje”.

U istom članu iza tačke 16. dodaje se nova tačka 17. koja glasi:

“17. donosi obavezni plan i program obuke članova organa za provođenje izbora, osoblja u diplomatsko-konzularnim predstavništvima i posmatrača;”.

U istom članu dosadašnja tačka 17. postaje tačka 18.

Član 10.

U članu 2.11 u stavu (3) riječi: “uz prethodnu saglasnost Vijeća ministara BiH”, zamjenjuju se riječima: “uz prethodnu saglasnost Parlamentarne skupštine Bosne i Hercegovine”.

Član 11.

U članu 2.12 u stavu (9) riječi: “članovi izbornih komisija”, zamjenjuju se riječima: “član izborne komisije”, a riječ: “imaju”, zamjenjuje se sa riječju: “ima”.

Član 12.

U članu 2.14 u stavu (1), na kraju teksta, dodaje se nova rečenica koja glasi: „Ukoliko se prilikom primjene ove odredbe i izračunavanja postotka dobije broj sa decimalnim

završetkom do 0,5, isti se zaokružuje na najbliži sljedeći manji cijeli broj, a ukoliko se prilikom izračunavanja postotka dobije broj sa decimalnim završetkom 0,5 i više, isti će se zaokružiti na najbliži sljedeći veći cijeli broj.“.

Član 13.

U članu 2.15 u stavu (1) riječi: “imenovan prethodni član”, zamjenjuju se riječima: “propisano članom 2.12 stav (5) ovog Zakona”.

U istom članu u stavu (2), na kraju teksta, dodaje se nova rečenica koja glasi: ”Ukoliko se ne izvrši imenovanje novog člana općinske izborne komisije u roku od 30 dana, Centralna izborna komisija BiH može izvršiti imenovanje novog člana općinske izborne komisije”.

Član 14.

U članu 2.18 u stavu (2) rečenica koja glasi: “Ako se odluka ne može donijeti dvotrećinskom većinom od ukupnog broja članova na prvom sastanku, na drugom sastanku odluka se donosi većinom glasova“, mijenja se i glasi: „Ako se odluka ne može donijeti dvotrećinskom većinom od ukupnog broja članova na prvoj sjednici, a odluku je neophodno donijeti zbog zakonom utvrđenih obaveza, na drugoj sjednici odluka se donosi većinom glasova”.

Član 15.

U članu 3.15 u stavu (5) iza riječi: “ poslati”, dodaje se riječ: “poštom,”.

U istom članu u stavu (8) iza riječi: ”identitet”, dodaje se zarez i riječ: “državljanstvo”.

Član 16.

U članu 4.5 na kraju stava (2) dodaje se nova rečenica koja glasi: “Potpisi podrške koji su prikupljeni za određeni nivo vlasti mogu se koristiti i na prijevremenim izborima u istom izbornom ciklusu”.

Član 17.

Na kraju člana 4.18 dodaje se nova rečenica koja glasi: “Ime i prezime kandidata na kandidatskoj listi ovjerenog političkog subjekta mora biti identično imenu i prezimenu kandidata u Centralnom biračkom spisku.”

Član 18.

U članu 4.19 u stavu (2) riječi: “za deset procenata (10%)”, zamjenjuje se riječima: “do deset procenata (10%)”.

U istom članu u stavu (4) riječi „itd“ zamjenjuju se riječima „i svaki sljedeći treći ili drugi redni broj kandidata manje zastupljenog spola, s tim da se mora ispoštovati najmanje 40% kandidata manje zastupljenog spola od ukupnog broja kandidata na listi.“.

U istom članu u stavu (5) riječi: “predsjednika političkih stranaka u koaliciji” zamjenjuju se sa riječima: “predstavnik koalicije”.

U istom članu i stavu riječi: “iz člana 15.7” zamjenjuju se sa riječima: “iz člana 15.6”.

Član 19.

U članu 5.19 u stavu (1) riječi: “slijep, nepismen, ili fizički nesposoban”, zamjenjuju se riječima: “osoba sa invaliditetom ili nepismena osoba”.

Član 20.

U članu 5.28 u stavu (1) na kraju teksta briše se tačka i dodaju riječi: “i mora pristići u poštanski pretinac Centralne izborne komisije BiH do 19:00 sati na dan održavanja izbora”.

Član 21.

Član 5.29 postaje član 5.29a, a član 5.29a postaje član 5.29.

Član 22.

U članu 5.30 u stavu (1) na početku teksta dodaje se nova rečenica koja glasi: “Istekom roka za podnošenje prigovora, žalbi, odnosno nakon pravosnažnosti odluka, Centralna izborna komisija BiH utvrđuje i objavljuje izborne rezultate”. Ostali dio teksta ostaje isti.

U istom članu u stavu (4) u tački 5) riječi: “tri dana”, zamjenjuju se riječima “72 sata”.

Član 23.

U članu 6.4. u stavu (2) riječi: “utvrđenog članom 6.3 stav (3) ovog zakona”, mijenjaju se riječima: “utvrđenog članom 6.3 stav (2) ovog zakona”.

Član 24.

U članu 6.6 u stavu (3) riječi: “utvrđenog članom 6.3 stav (3) ovog zakona“, mijenjaju se riječima: „utvrđenog članom 6.3 stav (2) ovog zakona. ”.

Član 25.

U članu 9.8 iza stava (3) dodaje se novi stav (4) koji glasi: “(4) Žrijebanje iz stava (1) ovog člana vrši Centralna izborna komisija BiH”.

Član 26.

U članu 9.12b u stavu (1) riječi: “ovjere izbora”, zamjenjuju se riječima: “potvrde rezultata”.

U članu 9.12b u stavu (2) riječi: “ovjere izbora” zamjenjuju se riječima: “potvrde rezultata”.

Član 27.

U članu 9.12c u stavu (1) riječi: “koja je zastupljena“, zamijenjuju se riječima: “koji je zastupljen”.

Član 28.

U članu 10.13 riječi: “mjesec dana nakon ovjere izbora”, zamjenjuju se riječima: “30 dana od dana potvrde rezultata”.

Član 29.

U članu 13.5 u stavu (1) iza riječi: “kantonalnu skupštinu”, dodaje se zarez i riječi: “gradsko vijeće odnosno skupštinu grada”.

Iza stava (4) dodaje se novi stav (5) koji glasi: “(5) Žrijebanje iz stava (3) ovog člana vrši Centralna izborna komisija BiH”.

Član 30.

U članu 13.10 u stavu (1) iza riječi: “biraju”, dodaju se riječi: “birači sa prebivalištem na području grada ili”.

Član 31.

U naslovu Poglavlja 13A riječi: „ za općinski nivo“, brišu se.

Član 32.

U članu 13.14 u stavu (1) iza riječi: “skupštini grada”, dodaju se riječi: “odnosno skupštini kantona”.

U stavu (2) iza riječi: “skupštini grada”, dodaju se riječi: “odnosno skupštinu kantona”, a iza riječi: “odnosno grada”, dodaju se riječi: “odnosno ustavom kantona”.

U stavu (3) iza riječi: “skupštinu grada”, na dva mjesta u tekstu, dodaju se riječi: “odnosno skupštinu kantona,”.

U stavu (7) iza riječi: “skupštinu grada”, briše se tačka i dodaju riječi: “odnosno skupštinu kantona”.

U stavu (9) iza riječi: “skupštinu grada”, briše se tačka i dodaju riječi: “odnosno skupštinu kantona”.

U stavu (12) iza riječi: “skupštini grada”, dodaju se riječi: “odnosno skupštini kantona,”.

U stavu (13) iza riječi: “skupštinu grada”, briše se tačka i dodaju riječi: “odnosno skupštinu kantona”.

Član 33.

U članu 15.1 u stavu (1), tačka 2. mijenja se i glasi: “2. sve prihode i rashode, zasnovane na članarini, priložima fizičkih i pravnih lica, priložima u obliku robe i usluga (u daljem tekstu: prilozi u naturi), izdavačkoj djelatnosti, prodaji propagandnog materijala i organiziranju stranačkih manifestacija, prihodima od imovine u vlasništvu političke stranke i dobiti od preduzeća koja su u vlasništvu političke stranke, u skladu s odredbama Zakona o finansiranju političkih stranaka, kreditima, pozajmicama, olakšicama, povratu novca, ostalim materijalnim troškovima i ostalim izvorima prihoda za period izvještavanja koje odredi Centralna izborna komisija BiH;“.

U stavu (1) u tački 3. riječi: “koja premašuje iznos od stotinu (100) konvertibilnih maraka”, brišu se.

U istom članu stav (3) briše se.

Član 34.

U članu 15.3 iza stava (3) dodaje se novi stav (4) koji glasi: “(4) U svrhu prikupljanja sredstava za finansiranje troškova izborne kampanje, politička stranka otvara poseban

transakcijski račun kod banke koji se ne može koristiti u druge svrhe. Sva sredstva namijenjena za finansiranje troškova izborne kampanje uplaćuju se na ovaj račun i sva plaćanja troškova izborne kampanje vrše se sa ovog računa”.

Član 35.

Član 15.6 mijenja mjesto i postaje član 15.10.

Član 36.

Član 15.7 mijenja mjesto i postaje član 15.6.

Član 37.

Član 15.8 mijenja mjesto i postaje član 15.7.

U članu 15.8, koji je postao član 15.7 u stavu (1) iza riječi: ”glasniku BiH,”, dodaju se riječi: ”a za članove koji popunjavaju upražnjene mandate od dana prihvatanja mandata,”, a riječi: „člana 15.7“, zamjenjuju se riječima: „člana 15.6“.

U istom članu u stavu (3) riječi: „člana 15.7”, zamjenjuju se riječima: „člana 15.6”.

Član 38.

Član 15.9 mijenja mjesto i postaje član 15.8.

U članu 15.9 koji je postao član 15.8 iza riječi: “javnosti”, briše se tačka i dodaju riječi: “na način i u skladu sa procedurom propisanom Zakonom o slobodnom pristupu informacijama”.

Član 39.

Član 15.10 mijenja mjesto i postaje član 15.9.

Član 40.

Član 16.17 briše se.

Član 41.

U članu 19.8 iza tačke a) dodaje se nova tačka b) koja glasi: “b) ne prisustvuje obuci tokom vršenja mandata u skladu sa planom i programom edukacije koji donosi Centralna izborna komisija BiH (član 2.2 stav (5));”.

Ostale tačke pomjeraju se u skladu s izvršenom izmjenom.

Iza dosadašnje tačke e), koja je postala tačka f), dodaje se nova tačka g) koja glasi: “g) ako je duže odsutan iz neopravdanih razloga, onemogućava rad komisije ili krši odredbe ovog zakona ili druge propise (član 2.16 stav (1));”.

Iza dosadašnje tačke t), koja je postala tačka v), dodaje se nova tačka z) koja glasi: “z) ne dostave birački materijal nadležnoj izbornoj komisiji (član 5.26 stav (1));”.

Član 42.

U članu 19.9 u stavu (1), u tački r) riječi: “član 15.7”, zamjenjuju se riječima: “član 15.6”.

Iza tačke r) dodaje se nova tačka s) koja glasi: “s) premaši maksimalni iznos dozvoljenih sredstava koji politički subjekt može potrošiti za finansiranje izborne kampanje (član 15.9 stav (2));”.

Dosadašnje tačke s), t) i u) postaju tačke t), u) i v).

U istom članu u stavu (3) iza riječi: “tačka a)”, dodaju se riječi: “i tačka s)”.

U stavu (4) riječi: „i r)“, brišu se.

Iza stava (4) dodaje se novi stav (5) koji glasi: „(5) Za povrede iz stava (1) tačka r) ovog člana kaznit će se kandidat političkog subjekta novčanom kaznom u iznosu od 200,00 KM do 3000,00 KM“.

Dosadašnji stav (5) postaje stav (6).

Član 43.

U članu 19.10 u tački a) iza riječi: „Službenom glasniku BiH,“, dodaju se riječi: ”a za članove koji popunjavaju upražnjene mandate od dana prihvatanja mandata,”.

Riječi: “iz člana 15.7”, zamjenjuju se riječima: “iz člana 15.6”, a riječi: “(član 15.8 stav (1))”, zamjenjuju se riječima “(član 15.7 stav (1))”.

U tački b) riječi: „(član 15.8 stav (2))”, zamjenjuju se riječima: “(član 15.7 stav (2))”.

Iza tačke b) dodaje se nova tačka c) koja glasi: „c) je postupao suprotno članu 1.8 stav (1) ovog zakona“.

Član 44.

Zadužuju se ustavnopravne komisije oba doma Parlamentarne skupštine Bosne i Hercegovine da, u roku od 30 dana od dana stupanja na snagu ovog zakona, utvrde prečišćeni tekst Izbornog zakona Bosne i Hercegovine.

Član 45.

Ovaj zakon stupa na snagu osmog dana od dana objave u “Službenom glasniku BiH”, a objavit će se i u službenim glasnicima entiteta i Brčko Distrikta BiH.

Predsjedavajući
Predstavničkog doma
Parlamentarne skupštine
Bosne i Hercegovine
Milorad Živković

Predsjedavajući
Doma naroda
Parlamentarne skupštine
Bosne i Hercegovine
Dragan Čović

O b r a z l o ž e n j e

I - Ustavnopravni osnov

Ustavni osnov za donošenje Zakona o izmjenama i dopunama Izbornog zakona Bosne i Hercegovine sadržan je u članu I 2., II 1. i IV 4. a) Ustava Bosne i Hercegovine.

II - Razlozi za donošenje zakona

U toku provođenja odredbi Izbornog zakona Bosne i Hercegovine ("Službeni glasnik BiH", br. 23/01, 07/2, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 07/14) (u daljnjem tekstu: Izborni zakon BiH) uočeni su nedostaci na koje su ukazali građani, organi vlasti i institucije, a koji se odnose na pitanja koja nisu definirana (postojanje pravnih praznina) ili koja su nedovoljno jasno definirana, te koja je bilo potrebno na drugi način definirati, kao i na poboljšanje postojećeg izbornog procesa u Bosni i Hercegovini i korekcije jezičke i tehničke prirode.

S obzirom na, do sada, iznesene ocjene važećeg teksta Izbornog zakona BiH i njegove primjene u praksi, otvorila se potreba da se niz pitanja koja su uređena ovim zakonom analiziraju, sagledaju pozitivni i negativni aspekti njihove primjene i da se ona jasno i precizno urede kako bi se postigla svrha Izbornog zakona BiH, a da pri tome ima što manje dilema u njegovoj primjeni.

III - Obrazloženje predloženih rješenja

Članom 1. vrši se tehnička korekcija u članu 1.2 u stavu (3) Zakona.

Članom 2. vrši se tehnička korekcija i precizira se tekst važeće norme u članu 1.2a u stavu (1) Zakona na način da se utvrđuje kome Centralna izborna komisija BiH dostavlja na usvajanje nacrt svog budžeta. U istom članu u stavu (3) vrši se tehnička korekcija.

U članu 3. jasnije se definira član 1.3a stav (1) Izbornog zakona BiH, tako što se briše dio stava koji propisuje kada članovima predstavničkih tjela počinju prava i dužnosti, a u stavu (3) se propisuje u kom roku izabrani nosilac mandata je dužan da potpiše izjavu kojom prihvata ili odbija mandat.

U članu 4., odnosno u članu 1.5 Izbornog zakona BiH, propisuje se obaveza diplomatsko-konzularnih predstavništava BiH da u realizaciji izbornog procesa postupaju u skladu sa uputama Centralne izborne komisije BiH. Odredbom člana 1.5 stav (2) propisano je da državljanin BiH koji privremeno živi u inostranstvu i ima biračko pravo, ima pravo da glasa lično (dolaskom na odgovarajuće biračko mjesto u BiH ili u diplomatsko-konzularnom predstavništvu BiH u inostranstvu) ili poštom (slanjem glasačkog listića poštom) za općinu u kojoj je imao prebivalište prije odlaska u inostranstvo, ako u toj općini ima prijavljeno prebivalište u trenutku podnošenja prijave za glasanje van zemlje. Neophodno je da osoblje u diplomatsko-konzularnim predstavništvima, u realizaciji izbornog procesa, postupaju na isti način kao što birački odbori postupaju u zemlji.

U članu 5. prijedloga zakona, odnosno u članu 1.8 Izbornog zakona BiH dopunjava se stav (1) na način da se i glavni revizor i zamjenici glavnog revizora u Uredu za reviziju finansijskog poslovanja institucija BiH i guverner i viceguverner Centralne banke BiH mogu kandidovati na javnu izbornu dužnost samo ako predhodno podnesu ostavku na taj položaj ili postupe u skladu sa zakonima koji regulišu njihov status, i na način da će Centralna izborna komisija BiH ako utvrdi da lice iz ovog stava nije podnijelo ostavku na položaj ili nije postupilo u skladu sa zakonom koji reguliše njegov status u određenom periodu preduzeti određene mjere. Stav (4) ovog člana dopunjava u smislu da jedno lice može obavljati jednu neposredno izabranu javnu dužnost u zakonodavnom organu i jednu posrednu izabranu dužnost u izvršnom organu vlasti u periodu dok se ne konstituiraju izvršni organi vlasti izabrani na redovnim izborima u istom izbornom ciklusu.

U članu 6. prijedloga zakona, odnosno u članu 1.14 Izbornog zakona BiH vrši se tehnička korekcija i preciznije se pojašnjava dan održavanja izbora, kada se prva nedjelja u oktobru, dan kada se održavaju izbori, podudara sa vjerskim praznikom jednog od konstitutivnih naroda u Bosni i Hercegovini.

U članu 7. prijedloga zakona, odnosno u članu 2.1 Izbornog zakona BiH, vrši se usaglašavanje sa izmjenama iz Poglavlja 15. ovog zakona.

Član 8. predviđa izmjenu člana 2.2 stav (2) Izbornog zakona BiH, na način da je član izborne komisije lice sa odgovarajućom stručnošću i iskustvom u provedbi izbora, a član biračkog odbora lice sa odgovarajućom stručnošću, jer se članovi biračkog odbora biraju za svake izbore po prijedlogu političkih subjekata. U stavu (4) istog člana, zbog nedovoljno jasne norme, dato je tumačenje o provođenju odredbe o najmanje 40% manje zastupljenog spola u sastavu biračkog odbora i izborne komisije od ukupnog broja članova, a kako je to propisano odredbama Zakona o ravnopravnosti spolova u Bosni i Hercegovini.

U članu 9., odnosno u članu 2.9 u tački 3. Izbornog zakona BiH preciznije se objašnjava kome Centralna izborna komisija BiH predlaže svoj budžet i utvrđuje još jedna nadležnost Centralne izborne komisije BiH koja se ogleda u tome da Centralna izborna komisija BiH donosi obavezni plan i program obuke članova organa za provođenje izbora, osoblja u diplomatsko-konzularnim predstavništvima i posmatrača. Odredbom člana 2.2 stav (5) je propisano da su članovi organa za provedbu izbora obavezni stalno se obučavati tokom vršenja mandata u skladu sa planom i programom edukacije koje donosi Centralna izborna komisija BiH.

Odredbom člana 2.13 tačka 3. Izbornog zakona BiH propisano je da općinska izborna komisija provodi postupak imenovanja, imenuje i obučava članove biračkog odbora. S obzirom da osoblje u diplomatsko-konzularnim predstavništvima provodi izbore u diplomatsko-konzularnim predstavništvima BiH u inostranstvu, odnosno obavlja dužnost biračkih odbora na dan izbora, obavezni su se obučavati prema planu i programu obuke koji donosi Centralna izborna komisija BiH, jer nijedan drugi organ ne donosi plan i program obuke, niti ih obučava.

U članu 10. prijedloga zakona, odnosno u članu 2.11 u stavu (3) Izbornog zakona BiH, propisuje se da Centralna izborna komisija BiH donosi Pravilnik o unutrašnjoj organizaciji Sekretarijata Centralne izborne komisije BiH na prijedlog generalnog sekretara, uz prethodnu saglasnost Parlamentarne skupštine BiH iz razloga što je Centralna izborna komisija BiH nezavisan organ, koji u skladu sa članom 2.9 stav (1) Izbornog zakona BiH podnosi izvještaj neposredno Parlamentarnoj skupštini BiH. Ovim ce pocrtava nezavisna pozicija Centralne

izborne komisije BiH koja nema nikakvu zakonom utvrđenu odgovornost prema Vijeću ministara BiH.

U članu 11. prijedloga zakona, odnosno u članu 2.12 u stavu (9) Izbornog zakona BiH zamjenjene su riječi u množini sa riječima u jednini, jer je Jedinstvenim pravilima za izradu pravnih propisa u institucijama BiH propisano da se riječi u propisu upotrebljavaju u jednini.

U članu 12., zbog nedovoljno jasne norme, dato je tumačenje o provođenju odredbe o najmanje 40% manje zastupljenog spola u sastavu biračkog odbora i izborne komisije od ukupnog broja članova, a kako je to propisano odredbama Zakona o ravnopravnosti spolova u Bosni i Hercegovini.

U članu 13. prijedloga zakona, odnosno u članu 2.15 Izbornog zakona BiH precizira se tekst važeće norme na način da se propisuje odredba člana koja propisuje imenovanje članova općinske izborne komisije i dopunjava se u smislu da Centralna izborna komisija BiH može izvršiti imenovanje novog člana općinske izborne komisije ukoliko se ne izvrši imenovanje novog člana općinske izborne komisije u roku od 30 dana.

U članu 14. prijedloga zakona, odnosno u članu 2.18 Izbornog zakona BiH, propisuje se da se i odluka koju je nepohodno donijeti zbog zakonom utvrđenih obaveza (odluka koja se mora donijeti u zakonom utvrđenom roku, odluka na koju se može uložiti žalba Apelacionom odjelu Suda BiH, razni akti sudova i drugih institucija Bosne i Hercegovine na koje se mora odgovoriti u određenom roku), donosi u skladu sa postojećim načinom odlučivanja.

U članu 15. prijedloga zakona, u članu 3.15 stav (5) Izbornog zakona BiH, dopunjava se na način da državljanin BiH koji glasa izvan Bosne i Hercegovine popunjenu i potpisanu prijavu i potrebne dokumente, pored toga što može poslati telefaksom i elektronskim putem, može poslati i poštom, dok se stav (8) ovog člana dopunjava u smislu da Centralna izborna komisija BiH pored toga što provjerava dokaze kojim se dokazuje identitet i prebivalište za izbjegla lica, provjerava i državljanstvo.

U članu 16. prijedloga zakona, odnosno u članu 4.5 u stavu (2) Izbornog zakona BiH, precizira se tekst važeće norme tako da se potpisi podrške koji su prikupljeni za određeni nivo vlasti mogu koristiti i na prijevremenim izborima u istom izbornom ciklusu

U članu 17. prijedloga zakona, u članu 4.18 Izbornog zakona BiH, precizira se tekst važeće norme tako da ime i prezime kandidata na kandidatskoj listi ovjerenog političkog subjekta mora biti identično imenu i prezimenu kandidata u Centralnom biračkom spisku, odnosno da kandidatska lista političkog subjekta ne može sadržavati nadimke kandidata, njihove titule i pseudonime.

U članu 18. prijedloga zakona, u članu 4.19 stav (2) Izbornog zakona BiH, utvrđuje se da za općinske i kantonalne izbore broj kandidata na kandidatskoj listi političke stranke, koalicije, ili na listi nezavisnih kandidata može biti veći do deset procenata (10%) od broja mandata koji se dodjeljuju. Takođe, u stavu (4), zbog nedovoljno jasne norme, predviđa se dopuna u smislu tumačenja o provođenju odredbe o najmanje 40% manje zastupljenog spola od ukupnog broja kandidata na kandidatskoj listi, u skladu sa odredbama Zakona o ravnopravnosti spolova u Bosni i Hercegovini. U stavu (5) utvrđuje se da kandidatsku listu u ime koalicije potpisuje predstavnik koalicije kojeg odrede političke stranke koje čine koaliciju i vrši se usaglašavanje sa izmjenama iz Poglavlja 15. ovog zakona.

U članu 19. prijedloga zakona, u članu 5.19 stav (1) mijenja se na način da se termin „koji je slijep, nepismen, ili fizički nesposoban”, zamjenjuje terminom „osoba sa invaliditetom ili nepismena osoba”, koji je prihvaćen u svim relevantnim dokumentima koji regulišu oblast invalidnosti.

U članu 20. prijedloga zakona, odnosno član 5.28 stav (1) Izbornog zakona BiH, dopunjuje se na način da - da bi bila prihvatljiva, pored toga što svaka pojedinačna koverta s glasačkim listićem mora imati poštanski žig zemlje iz koje se glasa s datumom ne kasnijim od datuma održavanja izbora, mora i pristići u poštanski pretinac Centralne izborne komisije BiH do 19 sati na dan održavanja izbora.

Odredbom člana 70. (Rok za prihvatanje povratne koverta) Pravilnika o načinu provođenja izbora u Bosni i Hercegovini (“Službeni glasnik BiH”, br. 37/10, 71/10, 22/11 i 61/12) propisano je da povratna koverta koja je poslana Centralnoj izbornoj komisiji BiH najkasnije na dan održavanja izbora bit će prihvaćena i prebrojana ukoliko stigne u Centralnu izbornu komisiju BiH najkasnije 10 dana od dana održavanja izbora i ako je na povratnoj koverti otisak poštanskog žiga zemlje iz koje se glasa s datumom ne kasnijim od datuma održavanja izbora. Dopunom ovog člana želi se skratiti rok za 10 dana za prihvaćanje koverta i samim tim prije bih počelo njeno brojanje. Naime, birači koji glasaju putem pošte kovertu sa glasačkim listićima dobijaju 45 dana prije dana održavanja izbora, što znači da imaju dovoljno vremena da glasaju.

U članu 21. prijedloga zakona izvršena je zamjena mjesta članova 5.29 i 5.29a Izbornog zakona BiH. Član 5.29 propisuje da Centralna izborna komisija BiH utvrđuje rezultate svih neposrednih i posrednih izbora obuhvaćenih ovim zakonom istekom roka za podnošenje prigovora, žalbe, odnosno nakon pravosnažnosti odluka, a član 5.29a propisuje da Centralna izborna komisija BiH objavljuje preliminarne, nezvanične i nekompletne rezultate izbora za sve nivoe vlasti za koje se izbori održavaju. Zamjenom mjesta ovih članova utvrđen je ispravan redoslijed radnji u izbornom procesu jer Centralna izborna komisija BiH prvo objavljuje pa onda utvrđuje rezultate izbora.

U članu 22. prijedloga zakona, odnosno u članu 5.30 u stavu (1) Izbornog zakona BiH utvrđuje se kada Centralna izborna komisija BiH utvrđuje i objavljuje rezultate izbora. U stavu (4) u tački 5. rok za podnošenje zahtjeva za ponovno brojanje glasačkih listića Centralnoj izbornoj komisiji BiH pretvara se iz dana u sate, odnosno skraćuje se rok za podnošenje zahtjeva za ponovno brojanje i na taj način omogućava se da se rezultati izbora što prije potvrde.

U članu 23. prijedloga zakona, odnosno u članu 6.4 stav (2) i (3) Izbornog zakona BiH, vrši se tehnička korekcija.

U članu 24. prijedloga zakona, odnosno u članu 6. 6 u stavu (3) Izbornog zakona BiH, vrši se tehnička korekcija.

U članu 25. prijedloga zakona, odnosno u članu 9.8 Izbornog zakona BiH, precizira se tekst važeće norme na način da se propisuje da će Centralna izborna komisija BiH izvršiti žrijebanje ako prilikom raspodjele mandata u skladu sa članovima 9.5, 9.6 i 9.7 budu dobijeni identični količnici, jer žrijebanje na svim nivoima vlasti provodi Centralna izborna komisija BiH prema jedinstvenom kompjuterskom programu za žrijebanje.

U članu 26. prijedloga zakona, član 9.12b Izbornog zakona BiH, vrši se ispravka jer se izbor delegata iz reda bošnjačkog i hrvatskog naroda u Dom naroda Parlamentarne skupštine Bosne i Hercegovine sprovodi odmah po sazivanju Doma naroda Parlamenta Federacije BiH, izbor delegata iz Republike Srpske u Dom naroda Parlamentarne skupštine BiH sprovodi po sazivanju Narodne skupštine Republike Srpske, a najkasnije 30 dana od dana potvrde izbora u skladu sa Izbornim zakonom BiH.

U članu 27. prijedloga zakona, u članu 9.12c, vrši se tehnička korekcija.

U članu 28. prijedloga zakona, u članu 10.13 Izbornog zakona BiH, vrši se ispravka jer se izbor delegata u Dom naroda Parlamenta Federacije BiH vrši odmah po sazivanju kantonalne skupštine nakon izbora za kantonalne skupštine, a najkasnije mjesec dana nakon potvrde izbora u skladu s članom 5.32 Izbornog zakona BiH.

U članu 29. prijedloga zakona, u članu 13.5 u stavu (1) Izbornog zakona BiH, utvrđuje se da raspodjela mandata u skladu sa članom 9.5 Izbornog zakona BiH, vrijedi i za gradsko vijeće odnosno skupštinu grada. U istom članu u stavu (5) precizira se tekst važeće norme na način da se propisuje da će Centralna izborna komisija BiH izvršiti žrijebanje ako je rezultat isti zbog identičnih količnika, jer žrijebanje na svim nivoima vlasti provodi Centralna izborna komisija BiH prema jedinstvenom kompjuterskom programu za žrijebanje.

U članu 30. prijedloga zakona, u članu 13.10 u stavu (1) Izbornog zakona BiH, precizira se postojeće rješenje s obzirom da članove skupštine nekih gradova neposredno biraju birači sa prebivalištem na području grada.

U članu 31. prijedloga zakona, odnosno u naslovu poglavlja 13A Izbornog zakona BiH, brišu se riječi: „općinski nivo“, iz razloga što je amandamanom na Ustav Kantona Sarajevo utvrđeno jedno mjesto za pripadnike nacionalne manjine. Na ovaj način vrši se usklađivanje sa ovom novonastalom situacijom.

U članu 32. prijedloga zakona, u članu 13.14 Izbornog zakona BiH, vrši se usklađivanje sa novonastalom situacijom koja se ogleda u tome da je amandamanom na Ustav Kantona Sarajevo utvrđeno jedno mjesto za pripadnike nacionalne manjine.

U članu 33. prijedloga zakona, u članu 15.1 u stavu (1) tačka 2. Izbornog zakona BiH, vrši se usklađivanje sa novim Zakonom o finansiranju političkih stranaka. U stavu (1) u tački 3. Izbornog zakona također je izvršeno usaglašavanje sa odredbama Zakona o finansiranju političkih stranaka, koji ne sadrži odredbu da finansijski izvještaj sadrži identitet lica koje je primilo uplatu koja premašuje iznos od stotinu (100) konvertibilnih maraka.

Stav (3) istog člana se briše jer je Centralna izborna komisija BiH izdavala uvjerenja licima koja su dobila mandat na svim nivoima neposrednih i posrednih izbora u Bosni i Hercegovini obuhvaćenih ovim Zakonom, ne čekajući da njihovi politički subjekti podnesu Centralnoj izbornoj komisiji BiH finansijski izvještaj za period od dana podnošenja prijave za ovjeru za izbore do dana ovjere rezultata izbora u roku od 30 dana od dana objavljivanja izbornih rezultata u "Službenom glasniku BiH", iz razloga što većina političkih subjekata nije podnosila finansijski izvještaj u roku utvrđenom u ovom članu, što znači da je ova norma neprovodiva.

U članu 34. prijedloga zakona, u članu 15.3 Izbornog zakona, izvršena je dopuna u smislu da se ostvari bolja kontrola nad prikupljanjem sredstava za finansiranje troškova izborne kampanje i nad sredstvima koja su namjenjena za finansiranje troškova izborne kampanje.

Članovima 35. do 39. prijedloga zakona, vrši se zamjena redoslijeda članova Izbornog zakona BiH, te na taj način utvrđuje ispravan redoslijed radnji iz ovog poglavlja, a koje se odnose na dostavljanje finansijskih izvještaja, imovinskih kartona i kontrole, te postupanje Centralne izborne komisije BiH u primjeni ovog poglavlja.

U članu 40. prijedloga zakona, član 16.17 Izbornog zakona BiH briše se jer nepotreban, iz razloga što procedura ulaganja žalbi na sadržaje u štampanim medijima nije predmet regulisanja Izbornog zakona BiH. Pored navedenog, politički subjekti u velikom broju slučajeva primjedbe na štampane medije podnose Centralnoj izbornoj komisiji BiH, koja nije nadležna za postupanje po istim, i time se dodatno opterećuje rad Centralne izborne komisije BiH, jer Centralna izborna komisija BiH primjedbe dostavlja na postupanje Vijeću za štampu.

U članu 41. prijedloga zakona, u članu 19.8 Izbornog zakona BiH, utvrđuju se kazne za postupanje zaposlenih ili angažiranih u izbornoj administraciji suprotno odredbama Izbornog zakona BiH.

U članu 42. prijedloga zakona, u članu 19.9 Izbornog zakona BiH, vrši se usklađivanje sa izmjenama iz Poglavlja 15. ovog zakona, propisuje se kazna za političkog subjekta koji premaši maksimalni iznos dozvoljenih sredstava koji politički subjekt može potrošiti za finansiranje izborne kampanje. Također, dodaje se novi stav (5) kojim se propisuje manja novčana kazna, u rasponu od 200,00 KM do 3000,00 KM, za kandidata političkog subjekta koji uz izjavu o prihvatanju kandidature za izbore ne podnese i izjavu o ukupnom imovinskom stanju iz člana 15.6 Izbornog zakona BiH.

U članu 43. prijedloga zakona, u članu 19.10 Izbornog zakona BiH, vrši se usklađivanje sa izmjenama iz Poglavlja 15. ovog zakona. U tački a) vrši se dopuna na način što se propisuje da će se i članovi koji popunjavaju upražnjene mandate novčano kazniti ukoliko u utvrđenom roku ne predaju potpisanu izjavu o imovinskom stanju iz člana 15.6 Izbornog zakona BiH. Također, dodaje se tačka c) kojom se propisuje novčana kazna kandidatima izabranim na svim nivoima vlasti ako su postupali suprotno članu 1.8 stav (1) Izbornog zakona BiH.

Članom 44. prijedloga zakona zadužuju se ustavnopravne komisije oba doma Parlamentarne skupštine BiH da, u skladu s odredbama poslovnika oba doma Parlamentarne skupštine BiH, utvrde prečišćeni tekst Izbornog zakona BiH.

Član 45. Sadrži odredbu o stupanju na snagu Zakona.

IV – Finansijska sredstva

Za izvršenje obaveza prema ovom Zakonu nisu potrebna dodatna finansijska sredstva.

V – Konsultacije u toku izrade

Zaključkom Predstavničkog doma Parlamentarne skupštine BiH, usvojenim na 56. Sjednici, održanoj 5.11.2013., i Doma naroda Parlamentarne skupštine BiH, usvojenim na 34. Sjednici, održanoj 16.12.2013., osnovana je Interresorna radna grupa za pripremu Prijedloga izmjena i dopuna Izbornog zakona Bosne i Hercegovine. Interresorna radna grupa (u sastavu od šest članova Parlamentarne skupštine BiH, tri člana Vijeća ministara BiH, te tri člana Centralne izborne komisije BiH), iz objektivnih razloga nisu, u ostavljenom roku, pripremili prijedlog izmjena i dopuna Izbornog zakona BiH.

Pojedina rješenja Prijedloga zakona o izmjenama i dopunama Izbornog zakona BiH u smislu odredbi čl. 2.2 stav (4), 2.14 stav (1) i 4.19 stav (4) data su u Mišljenju o autentičnom tumačenju odredaba Izbornog zakona BiH od Ministarstva pravde BiH, br: 08-02-4-11469-2/13 od 30.01. i 08-02-4-11469/13 od 06.02.2014. godine, po zahtjevu Centralne izborne komisije BiH.

Prijedlog zakona o izmjenama i dopunama Izbornog zakona BiH usaglašeni je Prijedlog članova Parlamentarne skupštine BiH i članova Centralne izborne komisije BiH.

Pregled odredbi Zakona o izmjenama i dopunama Izbornog zakona Bosne i Hercegovine

Član 1.2 stav (3) koji je glasio:

„Sredstva za naknade za rad organa za provedbu izbora su sredstva utvrđena u članu 2.12 stav (9) i člana 2.19 stav (11) i (12) ovog Zakona.“,

mijenja se i glasi:

„Sredstva za naknade za rad organa za provedbu izbora su sredstva utvrđena u članu 2.12 stav (9) i člana 2.19 stav (16) i (17) ovog Zakona.“

Član 1.2a stav (1) koji je glasio:

„U budžetu institucija Bosne i Hercegovine i međunarodnih obaveza Bosne i Hercegovine (u daljem tekstu: Budžet BiH) osiguravaju se sredstva za osiguranje vršenja ovlaštenja Centralne izborne komisije BiH iz člana 2.9 i člana 2.19 stav (12) ovog Zakona.

mijenja se i glasi:

“U budžetu institucija Bosne i Hercegovine i međunarodnih obaveza Bosne i Hercegovine (u daljem tekstu: Budžet BiH) osiguravaju se sredstva za osiguranje vršenja ovlaštenja Centralne izborne komisije BiH iz člana 2.9 i člana 2.19 stav (17) ovog Zakona. Centralna izborna komisija BiH priprema nacrt svog budžeta i dostavlja ga nadležnim parlamentarnim komisijama na usvajanje.”

Član 1.3a st. (1) i (3) koji su glasili:

“(1) Članovi predstavničkih organa izabrani u skladu s ovim Zakonom, osim u slučajevima utvrđenim članom 1.10 ovog Zakona, ne mogu se opozvati, a prava i dužnosti počinju im danom konstituiranja predstavničkih organa.

(3) Izabrani nosilac mandata, izabran na neposrednim i posrednim izborima, dužan je da potpiše izjavu kojom odbija ili prihvata mandat na obrascu koji propisuje Centralna izborna komisija BiH.“

mijenjaju se i glase:

„(1) Članovi predstavničkih organa izabrani u skladu s ovim Zakonom, osim u slučajevima utvrđenim članom 1.10 ovog Zakona, ne mogu se opozvati.

(3) Izabrani nosilac mandata, izabran na neposrednim i posrednim izborima, dužan je da potpiše izjavu kojom odbija ili prihvata mandat na obrascu koji propisuje Centralna izborna komisija BiH u roku od sedam dana od prijema izjave“.

Član 1.5 koji je glasio:

„(1) Državljeni BiH, koji imaju biračko pravo u skladu s ovim Zakonom, imaju pravo da glasaju lično u općini u kojoj imaju prebivalište.

(2) Državljanin BiH koji privremeno živi u inozemstvu i ima biračko pravo, ima pravo da glasa lično (dolaskom na odgovarajuće biračko mjesto u BiH ili u diplomatsko-konzularnom predstavništvu BiH u inozemstvu) ili poštom (slanjem glasačkog listića poštom) za općinu u kojoj je imao prebivalište prije odlaska u inozemstvo, ako u toj općini ima prijavljeno prebivalište u trenutku podnošenja prijave za glasanje van zemlje.

(3) Centralna izborna komisija BiH će posebnim propisom, u skladu s ovim Zakonom, regulirati kompletan postupak glasanja u diplomatsko-konzularnom predstavništvu BiH (postupak i rokove prijavljivanja za glasanje, imenovanje biračkih odbora, utvrđivanje broja i rasporeda biračkih mjesta i postupak provođenja izbora).

(4) Centralna izborna komisija BiH utvrdit će broj i raspored biračkih mjesta u diplomatsko-konzularnim predstavništvima BiH prema kriterijima iz člana 5.2 ovoga Zakona.

(5) Centralna izborna komisija BiH imenovat će biračke odbore za glasanje u diplomatsko-konzularnim predstavništvima BiH, tako da se u svakom biračkom odboru osigura zastupljenost članova iz svakog konstitutivnog naroda.”,

dopunjen je i glasi:

(1) Državljanin BiH, koji imaju biračko pravo u skladu s ovim Zakonom, imaju pravo da glasaju lično u općini u kojoj imaju prebivalište.

(2) Državljanin BiH koji privremeno živi u inozemstvu i ima biračko pravo, ima pravo da glasa lično (dolaskom na odgovarajuće biračko mjesto u BiH ili u diplomatsko-konzularnom predstavništvu BiH u inozemstvu) ili poštom (slanjem glasačkog listića poštom) za općinu u kojoj je imao prebivalište prije odlaska u inozemstvo, ako u toj općini ima prijavljeno prebivalište u trenutku podnošenja prijave za glasanje van zemlje.

(3) Centralna izborna komisija BiH će posebnim propisom, u skladu s ovim Zakonom, regulirati kompletan postupak glasanja u diplomatsko-konzularnom predstavništvu BiH (postupak i rokove prijavljivanja za glasanje, imenovanje biračkih odbora, utvrđivanje broja i rasporeda biračkih mjesta i postupak provođenja izbora).

(4) Centralna izborna komisija BiH utvrdit će broj i raspored biračkih mjesta u diplomatsko-konzularnim predstavništvima BiH prema kriterijima iz člana 5.2 ovoga Zakona.

(5) Centralna izborna komisija BiH imenovat će biračke odbore za glasanje u diplomatsko-konzularnim predstavništvima BiH, tako da se u svakom biračkom odboru osigura zastupljenost članova iz svakog konstitutivnog naroda.

(6) Diplomatsko-konzularna predstavništva BiH dužna su u realizaciji izbornog procesa postupati u skladu sa uputama Centralne izborne komisije BiH.“

Član 1.8 st. (1) i (4), koji su glasili:

„(1) Sudije redovnih i ustavnih sudova, tužioci i njihovi zamjenici, pravobranioци i njihovi zamjenici, ombudsmeni i njihovi zamjenici, članovi sudova/domova/vijeća za ljudska prava, notari policijski službenici, državni službenici, pripadnici Oružanih snaga BiH, pripadnici Obavještajno-sigurnosne agencije BiH, kao i diplomatski i konzularni predstavnici BiH u inozemstvu, koji imaju diplomatski status u skladu s Bečkom konvencijom o diplomatskim odnosima (iz 1961.godine), mogu se kandidirati za javnu izbornu dužnost samo ako prethodno podnesu ostavku na taj položaj ili postupe u skladu sa zakonima koji regulišu njihov status.

(4) Jedno lice može obavljati najviše jednu neposredno izabranu javnu dužnost ili najviše jednu neposredno i jednu posredno izabranu dužnost, osim ako ovim Zakonom nije drugačije

regulisano. Nespojivo je istovremeno vršenje ovih funkcija sa vršenjem funkcija u izvršnim organima vlasti. Također je nespojivo istovremeno vršenje više od jedne funkcije u izvršnim organima vlasti.

mijenjaju se i glase:

“(1) Sudije redovnih i ustavnih sudova, tužioci i njihovi zamjenici, pravobranioци i njihovi zamjenici, ombudsmeni i njihovi zamjenici, članovi sudova/domova/vijeća za ljudska prava, notari policijski službenici, državni službenici, glavni revizor i zamjenici glavnog revizora u Uredu za reviziju finansijskog poslovanja institucija BiH i guverner i viceguverner Centralne banke BiH, pripadnici Oružanih snaga BiH, pripadnici Obavještajno-sigurnosne agencije BiH, kao i diplomatski i konzularni predstavnici BiH u inozemstvu, koji imaju diplomatski status u skladu s Bečkom konvencijom o diplomatskim odnosima (iz 1961.godine), mogu se kandidirati za javnu izbornu dužnost samo ako prethodno podnesu ostavku na taj položaj ili postupe u skladu sa zakonima koji regulišu njihov status. Ako Centralna izborna komisija BiH utvrdi da lice iz ovog stav nije podnijelo ostavku na položaj ili nije postupilo u skladu sa zakonom koji reguliše njegov status u period od ovjere kandidature do štampanja glasačkih listića izvršit će se uklanjanje ovog lica sa ovjerenih kandidatskih listi, a ukoliko se isto utvrdi nakon štampanja glasačkih listića takvom licu neće biti dodijeljen mandat ako ga osvoji.

(4) Jedno lice može obavljati najviše jednu neposredno izabranu javnu dužnost ili najviše jednu neposredno i jednu posredno izabranu dužnost, osim ako ovim Zakonom nije drugačije regulisano Nespojivo je istovremeno vršenje ovih funkcija sa vršenjem funkcija u izvršnim organima vlasti. Također je nespojivo istovremeno vršenje više od jedne funkcije u izvršnim organima vlasti osim u periodu dok se ne konstituišu izvršni organi vlasti izabrani na redovnim izborima u istom izbornom ciklusu.“.

Član 1.14 stav (1) koji je glasio:

„(1) Izbori na svim nivoima vlasti u Bosni i Hercegovini održavaju se prve nedjelje u oktobru, osim ako se ovaj datum ne podudara s obilježavanjem vjerskog praznika jednog od konstitutivnih naroda Bosne i Hercegovine. Izbore koje nije moguće održati prve nedjelje u oktobru, zbog podudaranja s vjerskim praznikom, Centralna izborna komisija BiH zakazuje za nedjelju nakon prve nedjelje u oktobru koja se ne podudara sa vjerskim praznikom.“,

mijenja se i glasi:

„Izbori na svim nivoima vlasti u Bosni i Hercegovini održavaju se prve nedjelje u oktobru, osim ako se ovaj datum podudara s obilježavanjem vjerskog praznika jednog od konstitutivnih naroda Bosne i Hercegovine. Izbore koje nije moguće održati prve nedjelje u oktobru, zbog podudaranja s vjerskim praznikom, Centralna izborna komisija BiH zakazuje za nedjelju, nakon prve nedjelje u oktobru, koja se podudara sa vjerskim praznikom.“.

Član 2.1 st. (2), koji je glasio:

„(2) Izborne komisije i birački odbori nezavisni su i nepristrasni u svom radu. Član izborne komisije ili biračkog odbora neće učestvovati u donošenju odluke kada taj član ili član njegove

uže porodice ima lični ili finansijski interes, ili ako postoji drugi sukob interesa, koji može dovesti u sumnju njegovu sposobnost da djeluje nepristrasno. Članovima uže porodice smatraju se članovi porodice u smislu člana 15.7 stav (2) ovog Zakona.“;

mijenja se i glasi:

(2) Izborne komisije i birački odbori nezavisni su i nepristrasni u svom radu. Član izborne komisije ili biračkog odbora neće učestvovati u donošenju odluke kada taj član ili član njegove uže porodice ima lični ili finansijski interes, ili ako postoji drugi sukob interesa, koji može dovesti u sumnju njegovu sposobnost da djeluje nepristrasno. Članovima uže porodice smatraju se članovi porodice u smislu člana 15.6 stav (2) ovog Zakona.

Član 2.2 st. (2) i (4), koji su glasili:

„(2) Član izborne komisije i biračkog odbora je lice sa odgovarajućom stručnošću i iskustvom u provedbi izbora.

(4) U sastavu općinske izborne komisije i biračkog odbora osigurat će se da broj članova manje zastupljenog spola bude najmanje 40% od ukupnog broja članova.“;

mijenja se i glasi:

“(2) Član izborne komisije je lice sa odgovarajućom stručnošću i iskustvom u provedbi izbora, a član biračkog odbora je lice sa odgovarajućom stručnošću.

(4) U sastavu općinske izborne komisije i biračkog odbora osigurat će se da broj članova manje zastupljenog spola bude najmanje 40% od ukupnog broja članova. „Ukoliko se prilikom primjene ove odredbe i izračunavanja postotka dobije broj sa decimalnim završetkom do 0,5, isti se zaokružuje na najbliži sljedeći manji cijeli broj, a ukoliko se prilikom izračunavanja postotka dobije broj sa decimalnim završetkom 0,5 i više, isti će se zaokružiti na najbliži sljedeći veći cijeli broj.““.

Član 2.9 tačka 3. koji je glasio:

„3. predlaže budžet za Centralnu izbornu komisiju BiH, i podnosi izvještaj o izvršenju budžeta;

Dopunjava se i glasi:

„3. predlaže budžet za Centralnu izbornu komisiju BiH nadležnim parlamentarnim komisijama na usvajanje i podnosi izvještaj o izvršenju budžeta.“.

Član 2.11 stav (3) koji je glasio:

“(3) Centralna izborna komisija BiH donosi Pravilnik o unutrašnjoj organizaciji Sekretarijata Centralne izborne komisije BiH na prijedlog generalnog sekretara, uz prethodnu saglasnost Vijeća ministara BiH.”,

Mijenja se i glasi:

(3) Centralna izborna komisija BiH donosi Pravilnik o unutrašnjoj organizaciji Sekretarijata Centralne izborne komisije BiH na prijedlog generalnog sekretara, uz prethodnu saglasnost Parlamentarne skupštine BiH.”.

Član 2.12 stav (9) koji je glasio:

“(9) Članovi izbornih komisija osnovne izborne jedinice imaju pravo na stalnu mjesečnu naknadu za svoj rad. Visinu naknade utvrđuje Centralna izborna komisija BiH svojim propisom, tako da se u izbornom periodu ona isplaćuje najviše u visini isplaćenog paušala odbornika, odnosno vijećnika u toj osnovnoj izornoj jedinici, a izvan izbornog perioda 30% od tog iznosa.”,

Mijenja se i glasi:

“(9) Član izborne komisije osnovne izborne jedinice ima pravo na stalnu mjesečnu naknadu za svoj rad. Visinu naknade utvrđuje Centralna izborna komisija BiH svojim propisom, tako da se u izbornom periodu ona isplaćuje najviše u visini isplaćenog paušala odbornika, odnosno vijećnika u toj osnovnoj izornoj jedinici, a izvan izbornog perioda 30% od tog iznosa.”.

Član 2.14 st. (1) koji je glasio:

“(1) Sastav izborne komisije je multietničan, tako da odražava zastupljenost konstitutivnih naroda, uključujući i ostale, u izornoj jedinici za koju se organ nadležan za provođenje izbora osniva, vodeći računa o posljednjem popisu stanovništva provedenom na državnom nivou. Sastav izborne komisije će, u pravilu, odražavati ravnopravnu zastupljenost spolova. Ravnopravna zastupljenost spolova postoji u slučaju kada je jedan od spolova zastupljen s najmanje 40% od ukupnog broja članova izborne komisije.”,

dopunjava se i glasi:

“(1) Sastav izborne komisije je multietničan, tako da odražava zastupljenost konstitutivnih naroda, uključujući i ostale, u izornoj jedinici za koju se organ nadležan za provođenje izbora osniva, vodeći računa o posljednjem popisu stanovništva provedenom na državnom nivou. Sastav izborne komisije će, u pravilu, odražavati ravnopravnu zastupljenost spolova. Ravnopravna zastupljenost spolova postoji u slučaju kada je jedan od spolova zastupljen s najmanje 40% od ukupnog broja članova izborne komisije. Ukoliko se prilikom primjene ove odredbe i izračunavanja postotka dobije broj sa decimalnim završetkom do 0,5, isti se zaokružuje na najbliži sljedeći manji cijeli broj, a ukoliko se prilikom izračunavanja postotka dobije broj sa decimalnim završetkom 0,5 i više, isti će se zaokružiti na najbliži sljedeći veći cijeli broj.“.

Član 2.15 st. (1) i (2) koji su glasili:

„(1) U slučaju da član izborne komisije podnese ostavku, umre, bude spriječen obavljati funkciju, bude smijenjen sa funkcije člana komisije ili ne može biti član izborne komisije ili biračkog odbora u smislu člana 2.3 ovog Zakona, novi član tog organa imenuje se na način i postupkom kako je imenovan prethodni član.”,

(2) Imenovanje novog člana općinske izborne komisije vrši se u roku koji ne može biti duži od 30 dana od dana prestanka mandata prethodnog člana, a u izbornom periodu općinsko vijeće, odnosno skupština općine imenuje zamjenskog člana općinske izborne komisije, bez provođenja postupka izbora propisanog u članu 2.12 stav (5) ovog Zakona, najkasnije u roku od sedam dana od dana prestanka mandata iz stava (1) ovog člana.

Mijenja se i glasi:

“(1) U slučaju da član izborne komisije podnese ostavku, umre, bude spriječen obavljati funkciju, bude smijenjen sa funkcije člana komisije ili ne može biti član izborne komisije ili biračkog odbora u smislu člana 2.3 ovog Zakona, novi član tog organa imenuje se na način i postupkom kako je propisano članom 2.12 stav (5) ovog zakona.”,

(2) Imenovanje novog člana općinske izborne komisije vrši se u roku koji ne može biti duži od 30 dana od dana prestanka mandata prethodnog člana, a u izbornom periodu općinsko vijeće, odnosno skupština općine imenuje zamjenskog člana općinske izborne komisije, bez provođenja postupka izbora propisanog u članu 2.12 stav (5) ovog Zakona, najkasnije u roku od sedam dana

od dana prestanka mandata iz stava (1) ovog člana. Ukoliko se ne izvrši imenovanje novog člana općinske izborne komisije u roku od 30 dana, Centralna izborna komisija BiH može izvršiti imenovanje novog člana općinske izborne komisije.”.

Član 2.18 stav (2) koji je glasio:

“(2) Centralna izborna komisija BiH donosi odluke dvotrećinskom većinom od ukupnog broja članova, osim ako ovim Zakonom nije drugačije određeno. Ako se odluka ne može donijeti dvotrećinskom većinom od ukupnog broja članova na prvom sastanku, na drugom sastanku odluka se donosi većinom glasova.”,

Mijenja se i glasi:

“(2) Centralna izborna komisija BiH donosi odluke dvotrećinskom većinom od ukupnog broja članova, osim ako ovim Zakonom nije drugačije određeno. Ako se odluka ne može donijeti dvotrećinskom većinom od ukupnog broja članova na prvoj sjednici, a odluku je neophodno donijeti zbog zakonom utvrđenih obaveza, na drugoj sjednici odluka se donosi većinom glasova.”.

Član 3.15 st. (5) i (8) koji su glasili:

“(5) Popunjenu i potpisanu prijavu i potrebne dokumente podnosilac prijave može poslati telefaksom i elektronskim putem. Postupak i način slanja, primanja, obrade, arhiviranja i zaštite elektronskih prijava i dokumenata utvrđuje Centralna izborna komisija BiH posebnim propisom.

(8) Centralna izborna komisija BiH utvrđuje formu obrasca prijave iz stava (1), (2) i (3) ovog člana, način i postupak kojim se provjerava tačnost podataka u dokumentima koja podnesu izbjegla lica iz Bosne i Hercegovine koja zahtijevaju da budu upisana u Centralni birački spisak, provjerava dokaze kojim se dokazuje identitet i prebivalište za izbjegla lica i donosi odgovarajuća uputstva u vezi sa postupkom upisa birača u izvod iz Centralnog biračkog spiska za glasanje van Bosne i Hercegovine.”,

Dopunjava se i glasi:

“(5) Popunjenu i potpisanu prijavu i potrebne dokumente podnosilac prijave može poslati **poštom**, telefaksom i elektronskim putem. Postupak i način slanja, primanja, obrade, arhiviranja i zaštite elektronskih prijava i dokumenata utvrđuje Centralna izborna komisija BiH posebnim propisom.

(8) Centralna izborna komisija BiH utvrđuje formu obrasca prijave iz stava (1), (2) i (3) ovog člana, način i postupak kojim se provjerava tačnost podataka u dokumentima koja podnesu izbjegla lica iz Bosne i Hercegovine koja zahtijevaju da budu upisana u Centralni birački spisak, provjerava dokaze kojim se dokazuje identitet, **državljanstvo** i prebivalište za izbjegla lica i donosi odgovarajuća uputstva u vezi sa postupkom upisa birača u izvod iz Centralnog biračkog spiska za glasanje van Bosne i Hercegovine.”.

Član 4.5 stav (2) koji je glasio:

„(2) Politička stranka oslobođena je obaveze prikupljanja potpisa iz člana 4.4 ovog Zakona i u slučaju kada se podnosi prijava za ovjeru kandidature za organ koji je na istom ili nižem nivou od organa u kojem član političke stranke ima mandat.“,

Dopunjava se i glasi:

„(2) Politička stranka oslobođena je obaveze prikupljanja potpisa iz člana 4.4 ovog Zakona i u slučaju kada se podnosi prijava za ovjeru kandidature za organ koji je na istom ili nižem nivou od organa u kojem član političke stranke ima mandat. **Potpisi podrške koji su prikupljeni za određeni nivo vlasti mogu se koristiti i na prijevremenim izborima u istom izbornom ciklusu.**“.

Član 4.18 koji je glasio:

„Ovjerena politička stranka, koalicija ili lista nezavisnih kandidata dostavlja Centralnoj izbornoj komisiji BiH kandidatsku listu na ovjeru.“,

Dopunjava se i glasi:

„Ovjerena politička stranka, koalicija ili lista nezavisnih kandidata dostavlja Centralnoj izbornoj komisiji BiH kandidatsku listu na ovjeru. Ime i prezime kandidata na kandidatskoj listi ovjerenog političkog subjekta mora biti identično imenu i prezimenu kandidata u Centralnom biračkom spisku.“.

Član 4.19 st. (2), (4) i (5) koji su glasili:

„(2) Za općinske i kantonalne izbore broj kandidata na kandidatskoj listi političke stranke, koalicije ili na listi nezavisnih kandidata može biti veći za deset procenata (10%) od broja mandata koji se dodjeljuju.

(4) Svaka kandidatska lista uključuje kandidate muškog i ženskog spola, koji su ravnopravno zastupljeni. Ravnopravna zastupljenost spolova postoji u slučaju kada je jedan od spolova zastupljen s najmanje 40% od ukupnog broja kandidata na listi. Kandidati spola koji je manje zastupljen raspoređuju se na kandidatskoj listi na sljedeći način: najmanje jedan kandidat manje zastupljenog spola među prvih dva kandidata, dva kandidata manje zastupljenog spola među prvih pet kandidata i tri kandidata manje zastupljenog spola među prvih osam kandidata, itd.

(5) Kandidatska lista sadrži ime i prezime svakog kandidata na listi, jedinstveni matični broj, adresu prebivališta, izjašnjenje o pripadnosti konstitutivnom narodu ili grupi ostalih, broj važeće lične karte i mjesto njenog izdavanja, potpis predsjednika političke stranke, odnosno predsjednika političkih stranaka u koaliciji. Uz prijedlog liste dostavlja se izjašnjenje svakog od kandidata na listi o prihvatanju kandidature, izjava da nema smetnji iz člana 1.10 stav (1) tačka 5. ovog Zakona i izjava o imovinskom stanju kandidata iz člana 15.7 ovog Zakona. Izjašnjenje i izjave moraju biti ovjerene na način propisan zakonom ili kod nadležne općinske izborne komisije.“,

Mijenjaju se i glase:

„(2) Za općinske i kantonalne izbore broj kandidata na kandidatskoj listi političke stranke, koalicije ili na listi nezavisnih kandidata može biti veći do deset procenata (10%) od broja mandata koji se dodjeljuju.

(4) Svaka kandidatska lista uključuje kandidate muškog i ženskog spola, koji su ravnopravno zastupljeni. Ravnopravna zastupljenost spolova postoji u slučaju kada je jedan od spolova zastupljen s najmanje 40% od ukupnog broja kandidata na listi. Kandidati spola koji je manje zastupljen raspoređuju se na kandidatskoj listi na sljedeći način: najmanje jedan kandidat manje zastupljenog spola među prvih dva kandidata, dva kandidata manje zastupljenog spola među prvih pet kandidata i tri kandidata manje zastupljenog spola među prvih osam kandidata i svaki sljedeći treći ili drugi redni broj kandidata manje zastupljenog spola, s tim da se mora ispoštovati najmanje 40% kandidata manje zastupljenog spola od ukupnog broja kandidata na listi.

(5) Kandidatska lista sadrži ime i prezime svakog kandidata na listi, jedinstveni matični broj, adresu prebivališta, izjašnjenje o pripadnosti konstitutivnom narodu ili grupi ostalih, broj važeće lične karte i mjesto njenog izdavanja, potpis predsjednika političke stranke, odnosno predstavnika koalicije. Uz prijedlog liste dostavlja se izjašnjenje svakog od kandidata na listi o prihvatanju kandidature, izjava da nema smetnji iz člana 1.10 stav (1) tačka 5. ovog Zakona i izjava o imovinskom stanju kandidata iz člana 15.6 ovog Zakona. Izjašnjenje i izjave moraju biti ovjerene na način propisan zakonom ili kod nadležne općinske izborne komisije.“

Član 5.19 stav (1), koji je glasio:

(1) Na zahtjev birača koji je slijep, nepismen ili je fizički nesposoban, predsjednik biračkog odbora odobrava primjenu postupka po kojem drugo lice, koje izabere birač koji nije u mogućnosti da glasa, pomaže tom biraču pri potpisivanju izvoda iz Centralnog biračkog spiska i glasanju.”,

mijenja se i glasi:

(1) Na zahtjev birača koji je osoba sa invaliditetom ili nepismena osoba, predsjednik biračkog odbora odobrava primjenu postupka po kojem drugo lice, koje izabere birač koji nije u mogućnosti da glasa, pomaže tom biraču pri potpisivanju izvoda iz Centralnog biračkog spiska i glasanju.

Član 5.28 stav (1) koji je glasio:

„(1) Da bi bila prihvatljiva, svaka pojedinačna koverta s glasačkim listićem mora imati poštanski žig zemlje iz koje se glasa, s datumom ne kasnijim od datuma održavanja izbora.“,

Dopunjava se i glasi:

„(1) Da bi bila prihvatljiva, svaka pojedinačna koverta s glasačkim listićem mora imati poštanski žig zemlje iz koje se glasa, s datumom ne kasnijim od datuma održavanja izbora i mora pristići u poštanski pretinac Centralne izborne komisije do 19:00 sati na dan održavanja izbora.“.

Član 5.29, sada je član 5.29a.

Član 5.29a, sada je član 5.29.

Član 5.30 st. (1) i (4) tačka 5 koji su glasili:

„ (1) Nakon što Centralna izborna komisija BiH utvrdi i objavi izborne rezultate, općinska izborna komisija, ovjerena politička stranka, koalicija, lista nezavisnih kandidata ili nezavisni kandidat, mogu zahtijevati da Centralna izborna komisija BiH ponovno broji glasačke listiće u određenim izbornim jedinicama u kojima su se politička stranka, koalicija, lista nezavisnih kandidata ili nezavisni kandidat kandidirali za izbore. Akreditirani posmatrač može zahtijevati da Centralna izborna komisija BiH ponovno broji glasačke listiće na biračkom mjestu na kojem je bio posmatrač. Ovjerena politička stranka, koalicija, lista nezavisnih kandidata, nezavisni kandidat ili akreditirani posmatrač mogu zahtijevati od Centralne izborne komisije BiH da ponovno broji glasačke listiće za glasanje u odsutnosti, glasačke listiće kojima se glasalo izvan Bosne i Hercegovine ili nepotvrđene-kovertirane glasačke listiće.

(4) Centralna izborna komisija BiH može razmatrati zahtjev za ponovno brojanje glasačkih listića, ako su ispunjeni sljedeći uslovi:

5) da je zahtjev podnesen Centralnoj izbornoj komisiji BiH u roku od tri dana od dana kada je Centralna izborna komisija BiH objavila izborne rezultate.“,

Mijenja se i glasi:

„(1) Istekom roka za podnošenje prigovora, žalbi, odnosno nakon pravosnažnosti odluka, Centralna izborna komisija BiH utvrđuje i objavljuje izborne rezultate. Nakon što Centralna izborna komisija BiH utvrdi i objavi izborne rezultate, općinska izborna komisija, ovjerena politička stranka, koalicija, lista nezavisnih kandidata ili nezavisni kandidat, mogu zahtijevati da Centralna izborna komisija BiH ponovno broji glasačke listiće u određenim izbornim jedinicama u kojima su se politička stranka, koalicija, lista nezavisnih kandidata ili nezavisni kandidat kandidirali za izbore. Akreditirani posmatrač može zahtijevati da Centralna izborna komisija BiH ponovno broji glasačke listiće na biračkom mjestu na kojem je bio posmatrač. Ovjerena politička stranka, koalicija, lista nezavisnih kandidata, nezavisni kandidat ili akreditirani posmatrač mogu zahtijevati od Centralne izborne komisije BiH da ponovno broji glasačke listiće za glasanje u odsutnosti, glasačke listiće kojima se glasalo izvan Bosne i Hercegovine ili nepotvrđene-kovertirane glasačke listiće.

(4) Centralna izborna komisija BiH može razmatrati zahtjev za ponovno brojanje glasačkih listića, ako su ispunjeni sljedeći uslovi:

5) da je zahtjev podnesen Centralnoj izbornoj komisiji BiH u roku od 72 sata od dana kada je Centralna izborna komisija BiH objavila izborne rezultate.“.

Član 6.4 stav (2) koji je glasio:

„(2) Općinska izborna komisija dužna je da razmotri prigovor i da donese odluku u roku od 48 sati nakon isteka roka utvrđenog članom 6.3. stav (3) ovog Zakona. Općinska izborna

komisija dužna je da o svojoj odluci odmah obavijesti podnosioca prigovora, kao i druge strane. Prilikom rješavanja prigovora, općinska izborna komisija može postupati na osnovu utvrđenih činjenica ili održavati rasprave.“,

Mijenja se i glasi:

(2) Općinska izborna komisija dužna je da razmotri prigovor i da donese odluku u roku od 48 sati nakon isteka roka utvrđenog članom 6.3. stav (2) ovog Zakona. Općinska izborna komisija dužna je da o svojoj odluci odmah obavijesti podnosioca prigovora, kao i druge strane. Prilikom rješavanja prigovora, općinska izborna komisija može postupati na osnovu utvrđenih činjenica ili održavati rasprave.“.

Član 6.6 stav (3) koji je glasio:

„(3) Centralna izborna komisija BiH dužna je da razmotri prigovor i žalbu i da donese odluku u roku od 48 sati nakon isteka roka utvrđenog članom 6.3. stav (3) ovog zakona. Centralna izborna komisija BiH dužna je da o svojoj odluci odmah obavijesti podnosioca prigovora, kao i druge strane.“,

Mijenja se i glasi:

„(3) Centralna izborna komisija BiH dužna je da razmotri prigovor i žalbu i da donese odluku u roku od 48 sati nakon isteka roka utvrđenog članom 6.3. stav (2) ovog zakona. Centralna izborna komisija BiH dužna je da o svojoj odluci odmah obavijesti podnosioca prigovora, kao i druge strane.“.

Član 9.8 koji je glasio:

„(1) Ako prilikom raspodjele u skladu sa članovima 9.5, 9.6 i 9.7 ovog Zakona budu dobijeni identični količnici, mandat se dodjeljuje žrijebanjem.

(2) Mandati koje lista dobije raspodjeljuju se najprije među kandidatima sa liste, od kojih je svaki dobio najmanje pet procenata (5%) od ukupnog broja važećih glasova koje je dobila ta lista i to dodjelom mandata redoslijedom od najvećeg do najmanjeg broja glasova. Ako ima još mandata koje treba dodijeliti listi, a preostali kandidati su dobili manje od pet procenata (5%) od ukupnog broja važećih glasova koje je ta lista dobila, raspodjela mandata među preostalim kandidatima te liste vrši se prema njihovom redoslijedu na listi.

(3) Ako politička stranka ili koalicija nema na listi dovoljan broj kandidata da popuni mjesta koja su joj dodijeljena, mandat se prenosi na kandidatsku listu te političke stranke ili koalicije u drugoj izornoj jedinici u skladu sa postupkom utvrđenim u članu 9.7 ovog zakona.“,

Dopunjava se stav (4), te sada glasi:

„(1) Ako prilikom raspodjele u skladu sa članovima 9.5, 9.6 i 9.7 ovog zakona budu dobijeni identični količnici, mandat se dodjeljuje žrijebanjem.

(2) Mandati koje lista dobije raspodjeljuju se najprije među kandidatima sa liste, od kojih je svaki dobio najmanje pet procenata (5%) od ukupnog broja važećih glasova koje je dobila ta lista i to dodjelom mandata redoslijedom od najvećeg do najmanjeg broja glasova. Ako ima još mandata koje treba dodijeliti listi, a preostali kandidati su dobili manje od pet procenata (5%) od ukupnog broja važećih glasova koje je ta lista dobila, raspodjela mandata među preostalim kandidatima te liste vrši se prema njihovom redoslijedu na listi.

(3) Ako politička stranka ili koalicija nema na listi dovoljan broj kandidata da popuni mjesta koja su joj dodijeljena, mandat se prenosi na kandidatsku listu te političke stranke ili koalicije u drugoj izbornoj jedinici u skladu sa postupkom utvrđenim u članu 9.7 ovog Zakona.

(4) Žrijebanje iz stava (1) ovog člana vrši Centralna izborna komisija BiH.“.

Član 9.12b st. (1) i (2) koji su glasili:

„(1) Izbor delegata iz reda bošnjačkog i hrvatskog naroda u Dom naroda Parlamentarne skupštine Bosne i Hercegovine sprovodi se odmah po sazivanju Doma naroda Parlamenta Federacije BiH, a najkasnije 30 dana od dana ovjere izbora u skladu sa ovim Zakonom.

(2) Izbor delegata iz Republike Srpske u Dom naroda Parlamentarne skupštine BiH sprovodi se odmah po sazivanju Narodne skupštine Republike Srpske, a najkasnije 30 dana od dana ovjere izbora u skladu sa ovim Zakonom.“.

Mijenja se i glasi:

„(1) Izbor delegata iz reda bošnjačkog i hrvatskog naroda u Dom naroda Parlamentarne skupštine Bosne i Hercegovine sprovodi se odmah po sazivanju Doma naroda Parlamenta Federacije BiH, a najkasnije 30 dana od dana potvrde rezultata u skladu sa ovim zakonom.

(2) Izbor delegata iz Republike Srpske u Dom naroda Parlamentarne skupštine BiH sprovodi se odmah po sazivanju Narodne skupštine Republike Srpske, a najkasnije 30 dana od dana potvrde rezultata u skladu sa ovim zakonom.“.

Član 9.12c stav (1) koji je glasio:

„(1) Izbor bošnjačkih odnosno hrvatskih delegata u Dom naroda Parlamentarne skupštine BiH sprovodi se na način da svaki politički subjekt koja je zastupljena u bošnjačkom odnosno hrvatskom klubu ili svaki delegat iz bošnjačkog odnosno hrvatskog kluba u Domu naroda Parlamenta Federacije Bosne i Hercegovine ima pravo da nominuje jednog ili više kandidata na listi za izbor bošnjačkih odnosno hrvatskih delegata u Dom naroda Parlamentarne skupštine BiH.“.

Mijenja se i glasi:

„(1) Izbor bošnjačkih odnosno hrvatskih delegata u Dom naroda Parlamentarne skupštine BiH sprovodi se na način da svaki politički subjekt **koji je zastupljen** u bošnjačkom odnosno hrvatskom klubu ili svaki delegat iz bošnjačkog odnosno hrvatskog kluba u Domu naroda Parlamenta Federacije Bosne i Hercegovine ima pravo da nominuje jednog ili više kandidata na

listi za izbor bošnjačkih odnosno hrvatskih delegata u Dom naroda Parlamentarne skupštine BiH.“.

Član 10.13 koji je glasio:

„Izbor delegata u Dom naroda Parlamenta Federacije BiH se vrši odmah po sazivanju kantonalne skupštine nakon izbora za kantonalne skupštine, a najkasnije mjesec dana nakon ovjere izbora u skladu s članom 5.32 ovog Zakona.“,

Mijenja se i glasi:

„Izbor delegata u Dom naroda Parlamenta Federacije BiH se vrši odmah po sazivanju kantonalne skupštine nakon izbora za kantonalne skupštine, a najkasnije **30 dana od dana potvrde rezultata** u skladu s članom 5.32 ovog Zakona.“.

Član 13.5. stav (1) koji je glasio:

„(1) Raspodjela mandata za kantonalnu skupštinu i općinsko vijeće, odnosno skupštinu općine vrše se u skladu sa članom 9.5 ovog Zakona.“,

Mijenja se i glasi:

„(1) Raspodjela mandata za kantonalnu skupštinu, **gradsko vijeće odnosno skupštinu grada** i općinsko vijeće, odnosno skupštinu općine vrše se u skladu sa članom 9.5 ovog Zakona.“.

Dodaje se novi stav (5) koji glasi:

(5) Žrijebanje iz stava (3) ovog člana vrši Centralna izborna komisija BiH.“.

Član 13.10 stav (1) koji je glasio:

„(1) Članove gradskog vijeća, odnosno skupštine grada biraju općinska vijeća, odnosno skupštine općina koje sačinjavaju taj grad.“,

Mijenja se i glasi:

„(1) Članove gradskog vijeća, odnosno skupštine grada biraju **birači sa prebivalištem na području grada ili** općinska vijeća, odnosno skupštine općina koje sačinjavaju taj grad.“.

Naziv Poglavlja 13a – „Učešće pripadnika nacionalnih manjina u izborima za općinski nivo“, mijenja i glasi: „**Učešće pripadnika nacionalnih manjina u izborima**“.

Član 13.14 koji je glasio:

„(1) Pripadnici nacionalnih manjina imaju pravo na zastupljenost u općinskom vijeću, odnosno u skupštini općine i gradskom vijeću, odnosno skupštini grada srazmjerno procentu njihovog učešća u stanovništvu prema posljednjem popisu u Bosni i Hercegovini.

(2) Broj pripadnika nacionalnih manjina koji se neposredno biraju u općinsko vijeće, odnosno skupštinu općine i gradsko vijeće, odnosno skupštinu grada utvrđuje se statutom općine,

odnosno grada pri čemu se pripadnicima svih nacionalnih manjina, koji u ukupnom broju stanovništva te izborne jedinice, prema zadnjem popisu stanovništva, učestvuju s više od 3%, garantira najmanje jedno mjesto.

(3) Da bi se ovjerili za učešće na izborima za popunu garantiranih mandata za pripadnike nacionalnih manjina u općinskom vijeću, odnosno skupštini općine i gradskom vijeću, odnosno skupštini grada, političke stranke i nezavisni kandidati podnose prijavu za učešće na izborima za općinsko vijeće, odnosno skupštinu općine i gradsko vijeće, odnosno skupštinu grada, u skladu s odredbama ovog Zakona.

(4) Pravo prijave za učešće na izborima za popunu garantiranih mandata za pripadnike nacionalnih manjina ima i:

a) registrirano udruženje ili drugi registrirani organizirani oblik djelovanja nacionalnih manjina i

b) grupa od najmanje 40 građana koji imaju biračko pravo koji uz prijavu za učešće na izborima dostavljaju i imena kandidata.

(5) Kandidati koje predloži udruženje, odnosno drugi registrirani organizirani oblik djelovanja nacionalnih manjina i grupa od najmanje 40 građana koji imaju biračko pravo imaju status nezavisnog kandidata.

(6) Političke stranke, koalicije političkih stranaka, udruženja nacionalnih manjina i drugi registrirani organizirani oblici nacionalnih manjina, te grupa od najmanje 40 građana koji imaju biračko pravo mogu predložiti najviše onoliko kandidata koliko se pripadnika nacionalnih manjina bira u toj izbornoj jedinici.

(7) Nakon što se ovjeri kandidatura svakog pojedinačnog kandidata, Centralna izborna komisija BiH utvrđuje konačnu posebnu listu kandidata pripadnika nacionalnih manjina za općinsko vijeće, odnosno u skupštinu općine i gradsko vijeće, odnosno skupštinu grada.

(8) Kao predstavnik nacionalne manjine može biti izabran samo onaj kandidat čije ime se nalazi na posebnoj listi kandidata pripadnika nacionalnih manjina predloženih u skladu s odredbama ovog člana.

(9) Posebna lista kandidata pripadnika nacionalnih manjina iz stava (7) ovog člana nalazi se na glasačkom listiću iza listi ostalih političkih subjekata čije se kandidatske liste takmiče za redovne mandate za općinsko vijeće, odnosno skupštinu općine i gradsko vijeće, odnosno skupštinu grada.

(10) Redosljed kandidata na posebnoj listi iz stava (9) ovog člana utvrdit će se žrijebanjem na način i po postupku koji utvrdi Centralna izborna komisija BiH.

(11) Birač ima samo jedan glas. Ako se birač opredijeli da glasa za posebnu listu kandidata pripadnika nacionalnih manjina, glasat će tako što će označiti ime samo jednog kandidata na posebnoj listi kandidata pripadnika nacionalnih manjina.

(12) Za predstavnika pripadnika nacionalne manjine bit će izabran kandidat koji dobije najveći broj glasova na posebnoj listi kandidata pripadnika nacionalnih manjina. U općinskom vijeću, odnosno u skupštini općine i gradskom vijeću, odnosno skupštini grada u kojima se dodjeljuje više od jednog mandata, mandati će se dodijeliti kandidatima sa sljedećim najvećim brojem osvojenih glasova prema broju osvojenih važećih glasova.

(13) Odredbe člana 9.5 stav (3) ovog Zakona neće se primijeniti prilikom raspodjele mandata za liste pripadnika nacionalnih manjina za općinsko vijeće, odnosno skupštinu općine i gradsko vijeće, odnosno skupštinu grada.

(14) Pri raspodjeli mandata, prvo se dodjeljuju garantirani mandati pripadnicima nacionalnih manjina, a zatim redovni mandati u skladu s članom 9.5 ovog Zakona.

(15) U slučaju da dva kandidata na posebnoj listi kandidata pripadnika nacionalnih manjina dobiju isti broj važećih glasova, mandat će se dodijeliti žrijebanjem koje organizira Centralna izborna komisija BiH.

(16) Ako se ne dodijeli pripadniku nacionalne manjine, mandat ostaje upražnjen.

(17) U slučaju prestanka mandata izabranog nosioca mandata iz stava (12) ovog člana u smislu odredbi člana 1.10 ovog Zakona, zamjenski mandat dodijelit će se kandidatu sa sljedećim najvećim brojem dobivenih važećih glasova na posebnoj listi kandidata pripadnika nacionalnih manjina. Ako je lista iscrpljena, mandat ostaje upražnjen.

(18) Za sve što nije regulisano ovim Poglavljem, primjenjivat će se opće odredbe ovog zakona.“,

Mijenja se i glasi:

„(1) Pripadnici nacionalnih manjina imaju pravo na zastupljenost u općinskom vijeću, odnosno u skupštini općine i gradskom vijeću, odnosno skupštini grada **odnosno skupštini kantona** srazmjerno procentu njihovog učešća u stanovništvu prema posljednjem popisu u Bosni i Hercegovini.

(2) Broj pripadnika nacionalnih manjina koji se neposredno biraju u općinsko vijeće, odnosno skupštinu općine i gradsko vijeće, odnosno skupštinu grada **odnosno skupštinu kantona** utvrđuje se statutom općine, odnosno grada **odnosno ustavom kantona** pri čemu se pripadnicima svih nacionalnih manjina, koji u ukupnom broju stanovništva te izborne jedinice, prema zadnjem popisu stanovništva, učestvuju s više od 3%, garantira najmanje jedno mjesto.

(3) Da bi se ovjerili za učešće na izborima za popunu garantiranih mandata za pripadnike nacionalnih manjina u općinskom vijeću, odnosno skupštini općine i gradskom vijeću, odnosno skupštini grada, **odnosno skupštinu kantona** političke stranke i nezavisni kandidati podnose prijavu za učešće na izborima za općinsko vijeće, odnosno skupštinu općine i gradsko vijeće, odnosno skupštinu grada, **odnosno skupštinu kantona** u skladu s odredbama ovog Zakona.

(4) Pravo prijave za učešće na izborima za popunu garantiranih mandata za pripadnike nacionalnih manjina ima i:

a) registrirano udruženje ili drugi registrirani organizirani oblik djelovanja nacionalnih manjina i

b) grupa od najmanje 40 građana koji imaju biračko pravo koji uz prijavu za učešće na izborima dostavljaju i imena kandidata.

(5) Kandidati koje predloži udruženje, odnosno drugi registrirani organizirani oblik djelovanja nacionalnih manjina i grupa od najmanje 40 građana koji imaju biračko pravo imaju status nezavisnog kandidata.

(6) Političke stranke, koalicije političkih stranaka, udruženja nacionalnih manjina i drugi registrirani organizirani oblici nacionalnih manjina, te grupa od najmanje 40 građana koji imaju biračko pravo mogu predložiti najviše onoliko kandidata koliko se pripadnika nacionalnih manjina bira u toj izbornoj jedinici.

(7) Nakon što se ovjeri kandidatura svakog pojedinačnog kandidata, Centralna izborna komisija BiH utvrđuje konačnu posebnu listu kandidata pripadnika nacionalnih manjina za općinsko vijeće, odnosno u skupštinu općine i gradsko vijeće, odnosno skupštinu grada **odnosno skupštinu kantona.**

(8) Kao predstavnik nacionalne manjine može biti izabran samo onaj kandidat čije ime se nalazi na posebnoj listi kandidata pripadnika nacionalnih manjina predloženih u skladu s odredbama ovog člana.

(9) Posebna lista kandidata pripadnika nacionalnih manjina iz stava (7) ovog člana nalazi se na glasačkom listiću iza listi ostalih političkih subjekata čije se kandidatske liste takmiče za redovne mandate za općinsko vijeće, odnosno skupštinu općine i gradsko vijeće, odnosno skupštinu grada **odnosno skupštinu kantona.**

(10) Redoslijed kandidata na posebnoj listi iz stava (9) ovog člana utvrdit će se žrijebanjem na način i po postupku koji utvrdi Centralna izborna komisija BiH.

(11) Birač ima samo jedan glas. Ako se birač opredijeli da glasa za posebnu listu kandidata pripadnika nacionalnih manjina, glasat će tako što će označiti ime samo jednog kandidata na posebnoj listi kandidata pripadnika nacionalnih manjina.

(12) Za predstavnika pripadnika nacionalne manjine bit će izabran kandidat koji dobije najveći broj glasova na posebnoj listi kandidata pripadnika nacionalnih manjina. U općinskom vijeću, odnosno u skupštini općine i gradskom vijeću, odnosno skupštini grada **odnosno skupštini kantona** u kojima se dodjeljuje više od jednog mandata, mandati će se dodijeliti kandidatima sa sljedećim najvećim brojem osvojenih glasova prema broju osvojenih važećih glasova.

(13) Odredbe člana 9.5 stav (3) ovog Zakona neće se primijeniti prilikom raspodjele mandata za liste pripadnika nacionalnih manjina za općinsko vijeće, odnosno skupštinu općine i gradsko vijeće, odnosno skupštinu grada **odnosno skupštinu kantona.**

(14) Pri raspodjele mandata, prvo se dodjeljuju garantirani mandati pripadnicima nacionalnih manjina, a zatim redovni mandati u skladu s članom 9.5 ovog Zakona.

(15) U slučaju da dva kandidata na posebnoj listi kandidata pripadnika nacionalnih manjina dobiju isti broj važećih glasova, mandat će se dodijeliti žrijebanjem koje organizira Centralna izborna komisija BiH.

(16) Ako se ne dodijeli pripadniku nacionalne manjine, mandat ostaje upražnjen.

(17) U slučaju prestanka mandata izabranog nosioca mandata iz stava (12) ovog člana u smislu odredbi člana 1.10 ovog Zakona, zamjenski mandat dodijelit će se kandidatu sa sljedećim najvećim brojem dobivenih važećih glasova na posebnoj listi kandidata pripadnika nacionalnih manjina. Ako je lista iscrpljena, mandat ostaje upražnjen.

(18) Za sve što nije regulisano ovim Poglavljem, primjenjivat će se opće odredbe ovog Zakona.“

Član 15.1 stav (1) tačke 2) i 3) koje su glasile:

(1) Politička stranka i nezavisni kandidat koji učestvuju na izborima za organe vlasti Bosne i Hercegovine na svim nivoima dužni su, u vrijeme podnošenja prijave za ovjeru za učešće na izborima, Centralnoj izbornoj komisiji BiH podnijeti finansijski izvještaj za period koji počinje tri mjeseca prije dana podnošenja prijave za ovjeru. Osim toga, u roku od trideset dana od dana objavljivanja izbornih rezultata u Službenom glasniku BiH, podnosi se i finansijski izvještaj za period od dana podnošenja prijave za ovjeru za izbore do dana ovjere rezultata izbora. Ovi izvještaji sadrže:

2. sve prihode i rashode, zasnovane na članarini, transparentnim priložima iz inozemstva, priložima fizičkih i pravnih lica, priložima u obliku robe i usluga (u daljem tekstu: prilozi u naturi), приходима на vlastitu imovinu i poduzetničke aktivnosti, u skladu s odredbama Zakona o finansiranju političkih stranaka, kreditima, pozajmicama, donacijama, olakšicama, povratu novca, ostalim materijalnim troškovima i ostalim izvorima prihoda za period izvještavanja koje odredi Centralna izborna komisija BiH;

3. identitet lica ili izvora uplate i doprinosa u naturi, kao i identitet lica koje je primilo takvu uplatu koja premašuje iznos od stotinu (100) konvertibilnih maraka, zajedno sa datumom i iznosom takve uplate.“,

Mijenjaju se i glase:

“2. sve prihode i rashode, zasnovane na članarini, priložima fizičkih i pravnih lica, priložima u obliku robe i usluga (u daljem tekstu: prilozi u naturi), izdavačkoj djelatnosti, prodaji propagandnog materijala i organiziranju stranačkih manifestacija, приходима od imovine u vlasništvu političke stranke i dobiti od preduzeća koja su u vlasništvu političke stranke, u skladu s odredbama Zakona o finansiranju političkih stranaka, kreditima, pozajmicama, olakšicama, povratu novca, ostalim materijalnim troškovima i ostalim izvorima prihoda za period izvještavanja koje odredi Centralna izborna komisija BiH;“

3. identitet lica ili izvora uplate i doprinosa u naturi, kao i identitet lica koje je primilo takvu uplatu, zajedno sa datumom i iznosom takve uplate.“.

U članu 15.3. dodaje se stav (4):

„(1) Svaki politički subjekt imenuje ovlašteno lice, koje je odgovorno za podnošenje izvještaja i vođenje knjiga, i koje je ovlašteno da kontaktira sa Centralnom izbornom komisijom BiH.

(2) Podnosioci izvještaja obavještavaju Centralnu izbornu komisiju BiH o imenovanju ovlaštenog lica iz stava (1) ovog člana u roku od tri dana od njenog imenovanja i, u slučaju bilo kakve promjene njegovog statusa, dužni su obavijestiti Centralnu izbornu komisiju BiH u roku od tri dana.

(3) Ovlašteno lice potpisuje sve izvještaje i odgovorno je za vođenje evidencije u vezi sa izvještajima. Na zahtjev Centralne izborne komisije BiH, ovlašteno lice dostavlja izvještaje na uvid.

„(4) U svrhu prikupljanja sredstava za finansiranje troškova izborne kampanje, politička stranka otvara poseban transakcijski račun kod banke i taj račun se ne može koristiti u druge svrhe. Sva sredstva namjenjena za finansiranje troškova izborne kampanje uplaćuju se na ovaj račun i sva plaćanja troškova izborne kampanje vrše se sa ovog računa“.

Član 15.8 koji je postato član 15.7 glasio je:

„(1) Kandidati izabrani na svim nivoima vlasti, osim nivoa Bosne i Hercegovine i nivoa entiteta, dužni su, u roku od 30 dana od dana objave ovjere mandata u Službenom glasniku BiH, na posebnom obrascu, predati Centralnoj izbornoj komisiji BiH potpisanu izjavu o imovinskom stanju iz člana 15.7 ovog Zakona.

(2) Izabrani član organa vlasti na svim nivoima dužan je da Centralnoj izbornoj komisiji BiH podnese izvještaj o imovinskom stanju u roku od 30 dana nakon isteka mandata na koji je izabran, kao i u slučaju prestanka mandata u smislu člana 1.10 stav (1) tačke 1), 4), 5), 6), 7) i 8) ovog Zakona u roku od 30 dana od dana prestanka mandata.

(3) Centralna izborna komisija BiH donosi uputstva kojima se bliže određuje izgled i način ispunjavanja obrazaca iz stava (1) ovog člana i člana 15.7 ovog zakona.“,

Mijenja se i glasi:

„(1) Kandidati izabrani na svim nivoima vlasti, osim nivoa Bosne i Hercegovine i nivoa entiteta, dužni su, u roku od 30 dana od dana objave ovjere mandata u Službenom glasniku BiH, **a za članove koji popunjavaju upražnjene mandate od dana prihvatanja mandata**, na posebnom obrascu, predati Centralnoj izbornoj komisiji BiH potpisanu izjavu o imovinskom stanju iz člana 15.6 ovog Zakona.

(2) Izabrani član organa vlasti na svim nivoima dužan je da Centralnoj izbornoj komisiji BiH podnese izvještaj o imovinskom stanju u roku od 30 dana nakon isteka mandata na koji je

izabran, kao i u slučaju prestanka mandata u smislu člana 1.10 stav (1) tačke 1), 4), 5), 6), 7) i 8) ovog Zakona u roku od 30 dana od dana prestanka mandata.

(3) Centralna izborna komisija BiH donosi uputstva kojima se bliže određuje izgled i način ispunjavanja obrazaca iz stava (1) ovog člana i člana **15.6 ovog zakona.**”.

Član 15.9 koji je postao član 15.8 glasio je:

„Centralna izborna komisija BiH omogućava da obrasci koji sadrže izjave o ukupnom imovinskom stanju budu dostupni javnosti. Centralna izborna komisija BiH nije odgovorna za tačnost podataka koji se odnose na podatke sadržane u obrascu.“,

Mijenja se i glasi:

„Centralna izborna komisija BiH omogućava da obrasci koji sadrže izjave o ukupnom imovinskom stanju budu dostupni javnosti **na način i u skladu sa procedurom propisanom Zakonom o slobodi pristupa informacijama** Centralna izborna komisija BiH nije odgovorna za tačnost podataka koji se odnose na podatke sadržane u obrascu.“.

Član 19.8 koji je glasio:

Novčanom kaznom u iznosu od 200,00 KM do 1.000,00 KM kaznit će se zaposleni ili angažirani u izornoj administraciji za povredu, ako:

- a) učestvuje u donošenju odluke koja može dovesti u sumnju njegovu sposobnost da djeluje nepristrasno (član 2.1);
- b) ne odredi biračka mjesta na području općine za glasanje na svim nivoima vlasti u Bosni i Hercegovini (član 2.13 stav (1) tačka 2.);
- c) ne osigura izborni materijal za glasanje na svim nivoima izbora u Bosni i Hercegovini (član 2.13 stav (1) tačka 4);
- d) ne obavijesti birače o svim informacijama neophodnim za provedbu izbora, u skladu s propisima Centralne izborne komisije BiH (član 2.13 stav (1) tačka 5);
- e) nepravilno broji glasačke listiće na biračkim mjestima i u općinskim centrima za brojanje (član 2.13 stav (1) tačka 7);
- f) imenuje predsjednika i članove biračkih odbora i njihove zamjenike suprotno članu 2.19 stav (3);
- g) ne ažurira podatke u skladu s promjenom broja birača i propisima Centralne izborne komisije BiH (član 3.8 stav (3) tačka b));
- h) ne osigura uvid u izvod iz Centralnog biračkog spiska na teritoriji svoje općine (član 3.8 stav (3) tačka c));

- i) ne osigura podatke za Centralni birački spisak koji su utvrđeni propisima Centralne izborne komisije BiH (član 3.8 stav (3) tačka d));
- j) ne vodi evidenciju zahtjeva i prigovora i ne čuva dokumentaciju (član 3.8 stav (4));
- k) odredi biračka mjesta suprotno članu 5.1 stav (3);
- l) ne osigura izborni materijal za glasanje (član 5.3 stav (3));
- m) ne odredi dužnosti članovima biračkog odbora (član 5.6 stav (2));
- n) zapisnik o radu biračkog odbora ne sadrži podatke propisane ovim Zakonom (član 5.7);
- o) ne objasni biraču način glasanja i ne osigura tajnost glasanja (član 5.11 stav (1));
- p) ne utvrdi identitet birača i potpis birača na izvodu iz Centralnog biračkog spiska u skladu s ovim Zakonom (član 5.13);
- r) ako izda glasački listić ili listiće suprotno propisima koji regulišu izdavanje glasačkih listića (član 5.13));
- s) pomaže licu pri glasanju na način koji nije u skladu s ovim Zakonom (član 5.19 stav (2));
- t) su obrasci popunjeni suprotno članu 5.25 i
- u) podaci objedinjenih zbirnih rezultata glasanja za općinu nisu u skladu s članom 5.27.

mijenja se i glasi:

Novčanom kaznom u iznosu od 200,00 KM do 1.000,00 KM kaznit će se zaposleni ili angažirani u izbornoj administraciji za povredu, ako:

- a) učestvuje u donošenju odluke koja može dovesti u sumnju njegovu sposobnost da djeluje nepristrasno (član 2.1);
- b) **ne prisustvuje obuci tokom vršenja mandata u skladu sa planom i programom edukacije koji donosi Centralna izborna komisija BiH (član 2.2 stav (5));**
- c) ne odredi biračka mjesta na području općine za glasanje na svim nivoima vlasti u Bosni i Hercegovini (član 2.13 stav (1) tačka 2.);
- d) ne osigura izborni materijal za glasanje na svim nivoima izbora u Bosni i Hercegovini (član 2.13 stav (1) tačka 4);
- e) ne obavijesti birače o svim informacijama neophodnim za provedbu izbora, u skladu s propisima Centralne izborne komisije BiH (član 2.13 stav (1) tačka 5);
- f) nepravilno broji glasačke listiće na biračkim mjestima i u općinskim centrima za brojanje (član 2.13 stav (1) tačka 7);

- g) ako je duže odsutan iz neopravdanih razloga, onemogućava rad komisije ili krši odredbe ovog zakona ili druge propise (član 2.16 stav (1));
- h) imenuje predsjednika i članove biračkih odbora i njihove zamjenike suprotno članu 2.19 stav (3);
- h) ne ažurira podatke u skladu s promjenom broja birača i propisima Centralne izborne komisije BiH (član 3.8 stav (3) tačka b));
- i) ne osigura uvid u izvod iz Centralnog biračkog spiska na teritoriji svoje općine (član 3.8 stav (3) tačka c));
- j) ne osigura podatke za Centralni birački spisak koji su utvrđeni propisima Centralne izborne komisije BiH (član 3.8 stav (3) tačka d));
- k) ne vodi evidenciju zahtjeva i prigovora i ne čuva dokumentaciju (član 3.8 stav (4));
- l) odredi biračka mjesta suprotno članu 5.1 stav (3);
- m) ne osigura izborni materijal za glasanje (član 5.3 stav (3));
- n) ne odredi dužnosti članovima biračkog odbora (član 5.6 stav (2));
- o) zapisnik o radu biračkog odbora ne sadrži podatke propisane ovim Zakonom (član 5.7);
- p) ne objasni biraču način glasanja i ne osigura tajnost glasanja (član 5.11 stav (1));
- r) ne utvrdi identitet birača i potpis birača na izvodu iz Centralnog biračkog spiska u skladu s ovim Zakonom (član 5.13);
- s) ako izda glasački listić ili listiće suprotno propisima koji regulišu izdavanje glasačkih listića (član 5.13));
- t) pomaže licu pri glasanju na način koji nije u skladu s ovim Zakonom (član 5.19 stav (2));
- u) su obrasci popunjeni suprotno članu 5.25 i
- v) podaci objedinjenih zbirnih rezultata glasanja za općinu nisu u skladu s članom 5.27;
- z) ne dostave birački materijal nadležnoj izbornoj komisiji (član 5.26 stav (1)).“.

Član 19.9 koji je glasio:

- (1) Novčanom kaznom u iznosu od 1.000,00 KM do 10.000,00 KM kaznit će se politički subjekt za povredu, ako:
- a) u roku od deset dana ne dostavi izmjene podataka (član 4.22);
- b) uklanja, prekriva, oštećuje ili mijenja štampane oglase, plakate, postere ili druge materijale koji se, u skladu sa zakonom, koriste u svrhu izborne kampanje političkih stranaka, koalicija, listi nezavisnih kandidata ili nezavisnih kandidata (član 7.2 stav (2));
- c) postavlja oglase, plakate, postere, odnosno piše svoje ime ili slogane koji su u vezi sa izbornom kampanjom, u ili na zgradama u kojima su smješteni organi vlasti na svim nivoima, javna preduzeća, javne ustanove i mjesne zajednice, te na vjerskim objektima, na javnim putevima i javnim površinama, osim na mjestima predviđenim za plaketiranje i oglašavanje (član 7.2 stav (3));
- d) nosi i pokazuje oružje na političkim skupovima, biračkim mjestima i njihovoj okolini, kao i za vrijeme okupljanja u vezi s aktivnostima političkih stranaka, koalicija, listi nezavisnih kandidata i nezavisnih kandidata u izbornom procesu (član 7.3 stav (1) tačka 1.);

- e) ometa skupove drugih političkih stranaka, koalicija i nezavisnih kandidata, kao i podstiče druge na takve aktivnosti (član 7.3 stav (1) tačka 2.);
- f) sprečava novinare da obavljaju svoj posao u skladu s pravilima profesije i izbornim pravilima (član 7.3 stav (1) tačka 3.);
- g) obećava novčane nagrade s ciljem dobivanja podrške birača ili prijeti pristalicama drugih političkih stranaka, koalicija, listi nezavisnih kandidata i nezavisnih kandidata (član 7.3 stav (1) tačka 4.);
- h) podstiče na glasanje lica koje nema pravo glasa (član 7.3 stav (1) tačka 5.);
- i) podstiče lica da glasaju više puta na istim izborima ili da glasaju u ime drugog lica (član 7.3 stav (1) tačka 6.);
- j) koristi se jezikom koji bi nekoga mogao navesti ili podstaći na nasilje ili širenje mržnje, ili objavljuje ili upotrebljava slike, simbole, audio i videozapise, SMS poruke, internet poruke ili druge materijale koji mogu tako djelovati (član 7.3 stav (1) tačka 7.);
- k) se lažno predstavlja u ime bilo koje političke stranke, koalicije, liste nezavisnih kandidata ili nezavisnog kandidata (član 7.3 stav (2));
- l) održava skupove s ciljem izborne kampanje (član 7.4 stav (1) tačka 1);
- m) izlaže na biračkom mjestu i u njegovoj okolini bilo kakve materijale s ciljem uticaja na birače (član 7.4 stav (1) tačka 2);
- n) koristi domaća i međunarodna sredstava komunikacije s ciljem uticaja na birače (član 7.4 stav (1) tačka 3);
- o) koristi megafon ili druge razglasne uređaje s ciljem uticaja na birače (član 7.4 stav (1) tačka 4);
- p) ometa ili opstruira izborni proces (članu 7.4 stav (1) tačka 5);
- r) ne podnese uz izjavu o prihvatanju kandidature za izbore i izjavu o ukupnom imovinskom stanju na određenom obrascu (član 15.7);
- s) vodi izbornu kampanju u periodu od dana raspisivanja izbora do dana službenog početka izborne kampanje (član 16.14 stav (3));
- t) posmatrač, u toku posmatranja izbornog procesa, ometa izborne aktivnosti, ne poštuje tajnost glasanja (član 17.2 stav (1));
- u) posmatrač za vrijeme posmatranja izbornih aktivnosti ne nosi službenu akreditaciju i nosi bilo kakva obilježja ili oznake koje ih povezuju s određenom političkom strankom, koalicijom, listom nezavisnih kandidata ili nezavisnim kandidatom (član 17.2 stav (3)).

(2) Za povrede iz stava (1) tačka b), c), d), e), f), g), h), i), j), k), l), m), n), o) i p) ovog člana koji počini pristalica političkog subjekta kaznit će se taj politički subjekat.

(3) Za povrede iz stava (1) tačka a) ovog člana kaznit će se i odgovorno lice političke stranke, koalicije i liste nezavisnih kandidata novčanom kaznom u iznosu od 200,00 KM do 5.000,00 KM.

(4) Za povrede iz stava (1) tačka b), c), d), e), f), g), h), i), j), k), l), m), n), o), p) i r) ovog člana kaznit će se i kandidat političkog subjekta novčanom kaznom u iznosu od 1.000,00 KM do 5.000,00 KM.

(5) Za povrede iz stava (1) tačka d), h), i) i) ovog člana kaznit će se i zaposleni ili angažirani u izbornoj administraciji novčanom kaznom u iznosu od 200,00 KM do 1.000,00 KM.“,

Mijenja se i glasi:

(1) Novčanom kaznom u iznosu od 1.000,00 KM do 10.000,00 KM kaznit će se politički subjekt za povredu, ako:

- a) u roku od deset dana ne dostavi izmjene podataka (član 4.22);
- b) uklanja, prekriva, oštećuje ili mijenja štampane oglase, plakate, postere ili druge materijale koji se, u skladu sa zakonom, koriste u svrhu izborne kampanje političkih stranaka, koalicija, listi nezavisnih kandidata ili nezavisnih kandidata (član 7.2 stav (2));
- c) postavlja oglase, plakate, postere, odnosno piše svoje ime ili slogane koji su u vezi sa izbornom kampanjom, u ili na zgradama u kojima su smješteni organi vlasti na svim nivoima, javna preduzeća, javne ustanove i mjesne zajednice, te na vjerskim objektima, na javnim putevima i javnim površinama, osim na mjestima predviđenim za plaketiranje i oglašavanje (član 7.2 stav (3));
- d) nosi i pokazuje oružje na političkim skupovima, biračkim mjestima i njihovoj okolini, kao i za vrijeme okupljanja u vezi s aktivnostima političkih stranaka, koalicija, listi nezavisnih kandidata i nezavisnih kandidata u izbornom procesu (član 7.3 stav (1) tačka 1.);
- e) ometa skupove drugih političkih stranaka, koalicija i nezavisnih kandidata, kao i podstiče druge na takve aktivnosti (član 7.3 stav (1) tačka 2.);
- f) sprečava novinare da obavljaju svoj posao u skladu s pravilima profesije i izbornim pravilima (član 7.3 stav (1) tačka 3.);
- g) obećava novčane nagrade s ciljem dobivanja podrške birača ili prijeti pristalicama drugih političkih stranaka, koalicija, listi nezavisnih kandidata i nezavisnih kandidata (član 7.3 stav (1) tačka 4.);
- h) podstiče na glasanje lice koje nema pravo glasa (član 7.3 stav (1) tačka 5.);
- i) podstiče lica da glasaju više puta na istim izborima ili da glasaju u ime drugog lica (član 7.3 stav (1) tačka 6.);
- j) koristi se jezikom koji bi nekoga mogao navesti ili podstaći na nasilje ili širenje mržnje, ili objavljuje ili upotrebljava slike, simbole, audio i videozapise, SMS poruke, internet poruke ili druge materijale koji mogu tako djelovati (član 7.3 stav (1) tačka 7.);
- k) se lažno predstavlja u ime bilo koje političke stranke, koalicije, liste nezavisnih kandidata ili nezavisnog kandidata (član 7.3 stav (2));

- l) održava skupove s ciljem izborne kampanje (član 7.4 stav (1) tačka 1);
- m) izlaže na biračkom mjestu i u njegovoj okolini bilo kakve materijale s ciljem uticaja na birače (član 7.4 stav (1) tačka 2);
- n) koristi domaća i međunarodna sredstava komunikacije s ciljem uticaja na birače (član 7.4 stav (1) tačka 3);
- o) koristi megafon ili druge razglasne uređaje s ciljem uticaja na birače (član 7.4 stav (1) tačka 4);
- p) ometa ili opstruira izborni proces (članu 7.4 stav (1) tačka 5);
- r) ne podnese uz izjavu o prihvatanju kandidature za izbore i izjavu o ukupnom imovinskom stanju na određenom obrascu (član 15.6);
- s) premaši maksimalni iznos dozvoljenih sredstava koji politički subjekt može potrošiti za finansiranje političke kampanje (član 15.9 stav (2))**
- t) vodi izbornu kampanju u periodu od dana raspisivanja izbora do dana službenog početka izborne kampanje (član 16.14 stav (3));
- u) posmatrač, u toku posmatranja izbornog procesa, ometa izborne aktivnosti, ne poštuje tajnost glasanja (član 17.2 stav (1));
- v) posmatrač za vrijeme posmatranja izbornih aktivnosti ne nosi službenu akreditaciju i nosi bilo kakva obilježja ili oznake koje ih povezuju s određenom političkom strankom, koalicijom, listom nezavisnih kandidata ili nezavisnim kandidatom (član 17.2 stav (3)).

(2) Za povrede iz stava (1) tačka b), c), d), e), f), g), h), i), j), k), l), m), n), o) i p) ovog člana koji počinu pristalica političkog subjekta kaznit će se taj politički subjekat.

(3) Za povrede iz stava (1) tačka a) i tačka s) ovog člana kaznit će se i odgovorno lice političke stranke, koalicije i liste nezavisnih kandidata novčanom kaznom u iznosu od 200,00 KM do 5.000,00 KM.

(4) Za povrede iz stava (1) tačka b), c), d), e), f), g), h), i), j), k), l), m), n), o), p) ovog člana kaznit će se i kandidat političkog subjekta novčanom kaznom u iznosu od 1.000,00 KM do 5.000,00 KM.

(5) Za povrede iz stava (1) tačka r) ovog člana kaznit će se kandidat političkog subjekta novčanom kaznom u iznosu od 200,00 KM do 3.000,00 KM.“.

(6) Za povrede iz stava (1) tačka d), h), i) i) ovog člana kaznit će se i zaposleni ili angažirani u izbornoj administraciji novčanom kaznom u iznosu od 200,00 KM do 1.000,00 KM.“.

Član 19.10 koji je glasio:

„Novčanom kaznom u iznosu od 200,00 KM do 3.000,00 KM kaznit će se za povrede kandidat izabran na svim nivoima vlasti, ako:

- a) u roku od 30 dana od dana objave ovjere mandata u" Službenom glasniku BiH", na posebnom obrascu, ne preda potpisanu izjavu o imovinskom stanju iz člana 15.7 ovog Zakona (član 15.8 stav (1)) i

b) u roku od 30 dana nakon isteka mandata na koji je izabran, kao i u slučaju prestanka mandata u smislu člana 1. 10 stav (1) tačke 1., 3., 5., 6. i 7. ovog Zakona u roku od 30 dana od dana prestanka mandata, ne podnese izvještaj o imovinskom stanju (član 15.8 stav (2)).“,

mijenja se i glasi:

„Novčanom kaznom u iznosu od 200,00 KM do 3.000,00 KM kaznit će se za povrede kandidat izabran na svim nivoima vlasti, ako:

a) u roku od 30 dana od dana objave ovjere mandata u" Službenom glasniku BiH", **a za članove koji popunjavaju upražnjene mandate od dana prihvatanja mandata**, na posebnom obrascu, ne preda potpisanu izjavu o imovinskom stanju iz člana 15.6 ovog Zakona (**član 15.7 stav (1)**) i

b) u roku od 30 dana nakon isteka mandata na koji je izabran, kao i u slučaju prestanka mandata u smislu člana 1. 10 stav (1) tačke 1., 3., 5., 6. i 7. ovog Zakona u roku od 30 dana od dana prestanka mandata, ne podnese izvještaj o imovinskom stanju (**član 15.7 stav (2)**).

c) je postupao suprotno članu 1.8 stav (1) ovog zakona.”.